

**MESYUARAT KETIGA, PENGGAL KEDUA
PARLIMEN KEEMPAT BELAS**

2019

HARI KHAMIS : 10 OKTOBER 2019

PEMBERITAHUAN PERTANYAAN LISAN DEWAN RAKYAT
MESYUARAT KETIGA PENGGAL KEDUA,
PARLIMEN KEEMPAT BELAS

PERTANYAAN : LISAN

**DARIPADA : YB PUAN JUNE LEOW HSIAD HUI
[HULU SELANGOR]**

TARIKH : 10 OKTOBER 2019

SOALAN

Minta **MENTERI SUMBER MANUSIA** menyatakan secara terperinci bagaimana Kerajaan mendepani cabaran Revolusi Industri 4.0 dalam pasaran buruh negara di bawah Pelan Tindakan Sumber Manusia Kebangsaan (NHRB) yang sedang dirangka. Bagaimana pekerja boleh memperolehi manfaat seiring dengan pembangunan Revolusi Industri 4.0.

JAWAPAN

Tuan Yang di-Pertua,

1. Industri 4.0 dijangka akan memberi kesan yang sangat signifikan kepada pasaran buruh dan pekerjaan seperti pewujudan dan penghapusan pekerjaan (*job displacement*), peningkatan produktiviti buruh dan jurang kemahiran yang semakin meluas. Oleh itu, modal insan negara perlu mempunyai kemahiran yang relevan dan sentiasa memenuhi keperluan pasaran dan ekonomi negara yang dinamik. Dalam hal ini, Kementerian Sumber Manusia (KSM) dan Kementerian Pendidikan Malaysia (KPM) telah diberikan peranan sebagai Pengerusi Bersama bagi menerajui Jawatankuasa Kerja Pembangunan Kemahiran dan Bakat (*Technical Working*

SOALAN NO : 1

Group-Skills) di bawah Industry4WRD yang diterajui oleh Kementerian Perdagangan Antarabangsa dan Industri (MITI).

2. Selaras dengan itu, pelbagai usaha dilaksanakan oleh KSM dalam memperkuuh kompetensi sumber manusia bagi mengenal pasti pekerjaan yang bersesuaian dalam menghadapi Industri 4.0 melalui Jabatan dan Agensi di bawahnya. Langkah-langkah yang diambil oleh KSM adalah seperti berikut:

- (i) menyediakan program *upskilling* dan *reskilling* kepada golongan pekerja bagi mempertingkatkan kemajuan kendiri dalam menyesuaikan diri dengan perubahan keperluan kerja masa hadapan (*future jobs*) serta persekitaran global yang semakin kompetitif dan dinamik;
- (ii) KSM melalui Jabatan Pembangunan Kemahiran (JPK), telah membangunkan *National Occupational Skills Standard* (NOSS) bagi 21 sektor ekonomi.
- (iii) mengadakan sesi libat urus dengan pihak industri bersama jabatan/agensi terlibat bagi memberi gambaran jelas berkaitan Industri 4.0.
- (iv) memperluas akses kepada warganegara untuk mendapatkan Latihan dan Pendidikan Teknikal dan Vokasional (TVET). Sehingga kini, terdapat lima ratus enam puluh dua (562) buah Institusi Latihan Kemahiran Awam (ILKA) yang terlibat.

3. Langkah-langkah yang dinyatakan di atas akan turut dirangkumkan dalam pembentukan *National Human Resource Blueprint* yang sedang digubal oleh pihak KSM.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : YB DATUK SERI HAJI AHMAD BIN HAMZAH
[JASIN]**

TARIKH : 10 OKTOBER 2019 (KHAMIS)

SOALAN

Minta **MENTERI HAL EHWAL EKONOMI** menyatakan:-

- a) Prestasi kewangan terkini Khazanah Nasional ; dan
- b) Jumlah pelupusan saham, aset dan kepentingan yang dibuat sejak Kerajaan Pakatan Harapan (PH) mengambil alih Kerajaan Pusat sehingga kini.

JAWAPAN

Tuan Yang di-Pertua,

1. Izinkan saya untuk menjawab pertanyaan Yang Berhormat Jasin berkaitan Khazanah Nasional Berhad (Khazanah) secara bersekali dengan lapan (8) soalan yang diutarakan oleh Ahli-ahli Yang Berhormat berikut:

- i. YB Kubang Kerian akan dijawab pada 29 Oktober 2019;
- ii. YB Pasir Salak, YB Jasin dan YB Pasir Mas akan dijawab pada 7 November 2019;
- iii. YB Kuala Krau akan dijawab pada 13 November 2019;
- iv. YB Lenggong akan dijawab pada 25 November 2019; dan

NO. SOALAN : 2

- v. YB Lipis dan YB Kuala Terengganu akan dijawab pada 4 Disember 2019.
2. Untuk makluman Yang Berhormat, Khazanah dijangka kembali mencatatkan prestasi kewangan yang lebih kukuh pada Tahun Kewangan 2019 hasil daripada beberapa inisiatif yang dijalankan, sejak mula melaksanakan usaha penyusunan semula. Ini meliputi pelaksanaan lima inisiatif keutamaan bermula pada Disember 2018. Inisiatif keutamaan ini termasuk mengukuhkan kedudukan kewangan melalui, antara lain, pengurangan hutang.
3. Setelah lebih kurang setahun di bawah mandat baharunya, Khazanah telah berjaya mengurangkan hutangnya kira-kira RM8 bilion daripada RM55 bilion kepada RM47 bilion, dan dijangka akan terus dikurangkan kepada RM35 bilion hingga RM40 bilion dalam tempoh jangka sederhana.
4. Pembayaran hutang ini dibuat daripada hasil pelupusan yang dilaksanakan oleh Khazanah sepanjang tahun 2018 dan 2019. Sebahagian daripada hasil pelupusan digunakan oleh Khazanah bagi tujuan pembayaran hutang, sementara sebahagian lagi digunakan bagi tujuan pelaburan baharu.
5. Bagi Tahun Kewangan 2019, Khazanah menjangkakan akan kembali mencatatkan keuntungan sekitar RM5 bilion, berbanding kerugian RM6.3 bilion pada Tahun Kewangan 2018.

Tuan Yang Dipertua,

6. Penjualan atau lebih tepat, “pelupusan” aset adalah aktiviti perniagaan yang lazim dilakukan oleh Khazanah sebagai sebuah dana pelaburan, dan bukanlah suatu perkara yang baharu. Ia juga adalah aktiviti perniagaan yang lazim dilakukan oleh dana pelaburan yang lain seperti Kumpulan Wang Simpanan Pekerja (KWSP) dan Permodalan Nasional Berhad (PNB).

NO. SOALAN : 2

7. Aktiviti pelupusan oleh Khazanah berlaku setiap tahun, sama ada di bawah mandat terdahulu mahupun di bawah mandat baharu yang telah diluluskan pada Disember 2018.
8. Memandangkan Khazanah tidak menerima sebarang suntikan dana dari sumber luar untuk pelaburannya, hasil pelupusan merupakan sumber utama untuk pelaburan baru. Ini berbeza dengan KWSP dan PNB. Selain daripada hasil pelupusan, KWSP menerima dana daripada caruman pekerja secara berkala manakala PNB menerima dana daripada pelabur dalam unit amanahnya untuk aktiviti pelaburan mereka.
9. Pelupusan aset dipertimbangkan sebaik sahaja sesuatu pelaburan telah mencapai sasaran kewangan dan strategik yang telah ditetapkan. Sebagai contoh, pelaburan tersebut telah mencapai keuntungan yang disasarkan.
10. Pelupusan sesuatu aset juga bergantung kepada masa dan kekuatan pasaran, serta ketersediaan, kualiti dan kredibiliti pembeli. Prinsip-prinsip ini digunakan untuk pelupusan sebelum ini dan sebarang pelupusan yang akan dibuat pada masa hadapan.
11. Sejak Mei 2018 sehingga Jun 2019, Khazanah telah melaksanakan pelupusan berjumlah kira-kira RM18.8 bilion, iaitu RM3.2 bilion (antara Mei – Dis 2018) dan RM15.6 bilion (antara Januari – Jun 2019).
12. Sepertimana yang telah diterangkan sebelum ini, hasil daripada pelupusan tersebut digunakan bagi tujuan membuat pelaburan baharu serta membayar balik hutang Khazanah yang menghampiri tempoh matang.
13. Untuk makluman, hasil daripada pelupusan Khazanah tidak digunakan untuk membayar hutang Kerajaan. Bayaran yang diterima oleh Kerajaan daripada Khazanah adalah hanya dalam bentuk dividen tahunan dan cukai.
14. Khazanah tidak dapat menyatakan secara terperinci mengenai pegangan-pegangan yang bakal dilupuskannya pada tahun kewangan

NO. SOALAN : 2

semasa, memandangkan ia memerlukan kelulusan pihak tertentu, termasuk Lembaga Pengarah serta pihak pengawal selia, baik di dalam maupun di luar negara. Ini untuk memastikan ia dilaksanakan secara tertib dan teratur serta menurut undang-undang dan peraturan yang ditetapkan, terutamanya transaksi yang berpotensi memberi impak kepada harga saham dan penilaian aset.

15. Justeru itu, berdasarkan beberapa kejayaan awal yang telah dicapai oleh Khazanah di bawah mandat baharu ini, Kerajaan yakin bahawa Khazanah akan berada dalam kedudukan yang lebih kukuh untuk terus meningkatkan prestasi kewangannya dan menyumbang kepada pertumbuhan ekonomi negara.

16. Selaras dengan WKB, strategi pelaburan Khazanah akan dilaraskan ke arah industri baharu yang bernilai tambah tinggi dan memberi kesan langsung kepada melonjakkan ekonomi Malaysia, meningkatkan pendapatan rakyat dan mencipta pekerjaan berpendapatan tinggi untuk memasuki era teknologi tinggi dan negara maju.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : JAWAB LISAN

DARIPADA : YB PUAN WONG SHU QI [KLUANG]

TARIKH : 10 OKTOBER 2019

SOALAN

Minta **MENTERI BELIA DAN SUKAN** menyatakan langkah-langkah dan status terkini rancangan untuk membangunkan bidang e-sports di setiap negeri.

DIJAWAB BERSEKALI DENGAN SOALAN-SOALAN YANG BERKAITAN:

29 OKTOBER 2019 (SELASA), SOALAN NO. 24

YB LANANG minta **MENTERI BELIA DAN SUKAN** menyatakan apakah usaha Kerajaan dalam penyediaan dan pembangunan e-sports di negara kita terutama di Sarawak.

JAWAPAN

Yang di-Pertua,

1. Saya mohon jawab pertanyaan ini secara bersekali dengan soalan daripada YB Lanang bertarikh 29 Oktober 2019 kerana ia menyentuh perkara yang sama mengenai pembangunan e-sports.

SOALAN NO : 3

2. Untuk makluman Ahli Yang Berhormat, Kementerian Belia dan Sukan (KBS) melalui Majlis Sukan Negara (MSN) dan Jabatan Belia dan Sukan Negara (JBSN) telah merangka pelbagai program pembangunan bagi sukan elektronik di semua negeri termasuklah negeri Sarawak. Ini adalah susulan kepada suntikan dana oleh Kerajaan sebanyak RM10 juta seperti yang telah diumumkan pada Belanjawan 2019.
3. Melalui perancangan yang telah dibuat ini, pusat-pusat latihan termasuk di negeri akan ditubuhkan bagi memastikan pelaksanaan program bagi sukan ini dapat diseragamkan sehingga ke peringkat akar umbi. Namun begitu, bagi keperluan penubuhan pusat-pusat latihan ini, satu kolaborasi yang khusus perlu dilakukan kerana ia melibatkan pelbagai prosedur daripada beberapa agensi seperti Pihak Berkuasa Tempatan (PBT) di negeri.
4. Pada masa yang sama, pihak Kementerian akan menganjurkan Liga Sukan Elektronik Kebangsaan pada tahun 2020 sebagai salah satu langkah awal pelaksanaan program pembangunan sukan yang akan disertai oleh negeri-negeri. Di samping itu, melalui liga ini juga satu sistem *ranking* pemain akan diwujudkan bagi mengenal pasti prestasi semasa mereka. Ia juga boleh dijadikan sebagai salah satu kriteria pemilihan atlet untuk mewakili negara ke pertandingan-pertandingan di peringkat antarabangsa.
5. Kerajaan negeri Johor melalui Majlis Sukan Negeri Johor telah menyenaraikan sukan elektronik sebagai salah satu sukan yang akan dipertandingkan di temasya Sukan Malaysia (SUKMA) 2020. Ini dilihat sebagai satu pengiktirafan serta peluang untuk memajukan sukan ini di peringkat negeri.
6. Untuk makluman Ahli Yang Berhormat juga, KBS akan bekerjasama dengan Kerajaan Negeri Sarawak bagi penganjuran Kejohanan Sukan Elektronik bersempena *Tourism Malaysia Day* Sarawak pada bulan Disember 2019 nanti. Dengan penganjuran kejohanan-kejohanan

SOALAN NO : 3

seumpama ini, pihak Kementerian berharap agar lebih ramai bakat-bakat yang baru dapat dicungkil di peringkat negeri dan daerah.

7. KBS melalui Jabatan Belia dan Sukan Negera (JBSN) lebih tertumpu kepada program pendedahan dan peluang kepada peminat sukan ini di peringkat massa. Di samping itu, JBSN telah merancang bengkel esports yang meliputi dua elemen iaitu kerjaya dalam *Esports* dan *Healthy Gaming*. Malah JBSN turut merancang untuk melaksanakan pertandingan e-sports berkonsepkan pelancongan sukan (*Esports tourism*). Berikut merupakan program yang telah dirancang oleh JBSN pada tahun ini:

- (a) Pertandingan *Esports* FIFA19 dan PES19 Peringkat Negeri.
 - i. Dilaksanakan di seluruh negeri.
 - ii. Bermula dari bulan Mac 2019 dan tamat bulan Jun 2019.
 - iii. Pertandingan terbuka kepada peminat sukan ini di seluruh negeri.
 - (b) Kejohanan *Grand Final Esports* FIFA19 dan PES19 Peringkat Kebangsaan.
 - i. Kejohanan ini akan dilaksanakan pada 12 Oktober 2019 dan 13 Oktober 2019.
 - ii. Pemenang dari Pertandingan *Esports* FIFA19 dan PES19 Peringkat Negeri akan mewakili negeri masing-masing bagi merebut gelaran juara keseluruhan.
8. Pihak Kementerian juga ingin mengalu-alukan penglibatan pihak Kerajaan Negeri, Pihak Berkuasa Tempatan, korporat dan persatuan NGO untuk terlibat sama dalam pembangunan sukan elektronik ini secara lebih menyeluruh dan lestari.

Sekian, terima kasih.

SENARAI PERTANYAAN BAGI JAWAPAN LISAN
MESYUARAT KETIGA, PENGGAL KEDUA, PARLIMEN KE-14
DEWAN RAKYAT

PERTANYAAN : LISAN
DARIPADA : DATUK ALEXANDER NANTA LINGGI
[KAPIT]
TARIKH : 10 OKTOBER 2019

SOALAN

DATUK ALEXANDER NANTA LINGGI [KAPIT] minta **PERDANA MENTERI** menyatakan apakah status rundingan terkini berkenaan Malaysian Agreement 1963 Consultative Committe yang telah mengadakan beberapa sesi mesyuarat sejak ia ditubuhkan pada tahun 2018. Perincikan apa yang telah dipersetujui antara Kerajaan Pusat dan Kerajaan Sarawak.

JAWAPAN: YB DATUK LIEW VUI KEONG, MENTERI DI JABATAN PERDANA MENTERI

Tuan Yang di-Pertua,

Sebelum saya meneruskan dengan jawapan bagi soalan yang telah dikemukakan ini, ingin saya nyatakan di sini bahawa soalan ini akan saya jawab bersekali dengan soalan-soalan yang berikut iaitu:-

1. Soalan daripada YB Keningau bertarikh 16 Oktober 2019;
2. Soalan daripada YB Sarikei bertarikh 22 Oktober 2019;
3. Soalan daripada YB Pasir Gudang, YB Saratok bertarikh 29 Oktober 2019;
4. Soalan daripada YB Tuaran bertarikh 4 November 2019;

NO. SOALAN : 4

5. Soalan daripada YB Kota Marudu bertarikh 7 November 2019;
6. Soalan daripada Ahli Yang Berhormat Papar, YB Sipitang dan YB Bandar Kuching bertarikh 13 November 2019; dan
7. Soalan daripada YB Port Dickson bertarikh 28 November 2019.

Untuk makluman Ahli-ahli Yang Berhormat,

Mesyuarat Jawatankuasa Khas Kabinet Untuk Menyemak Pelaksanaan Perjanjian Malaysia yang keempat telah diadakan pada 23 Julai 2019 yang lalu. Mesyuarat ini telah dipengerusikan YAB Perdana Menteri dan dihadiri 23 ahli Jawatankuasa yang terdiri daripada Menteri-Menteri Kabinet Persekutuan, Ketua Menteri Sarawak, Ketua Menteri Sabah dan pegawai-pegawai tinggi Kerajaan Persekutuan, Sarawak dan Sabah termasuk juga Peguam Negara, Peguam Besar Negeri Sabah dan Sarawak, Ahli Akademik dan Ketua Hakim Sabah dan Sarawak.

Jawatankuasa Khas Kabinet ini adalah dibantu oleh Jawatankuasa Teknikal dan Jawatankuasa Kerja serta diurus setiakan oleh pasukan petugas khas. Sejak awal tahun ini lagi, jawatankuasa-jawatankuasa ini telah membincangkan serta meneliti isu-isu yang dikemukakan oleh Kerajaan Negeri Sabah dan Sarawak.

Buat masa ini, sebanyak **tujuh [7]** isu telah mendapat persetujuan bersama di antara Kerajaan Persekutuan dan Kerajaan Negeri Sabah dan Sarawak, iaitu seperti berikut:

1. Tuntutan duti eksport balak dan hasil hutan

Perkara ini telah dipersetujui dan dianggap sebagai selesai oleh Kerajaan Persekutuan dan Kerajaan Negeri Sabah pada Mesyuarat Jawatankuasa Pemandu Bil. 2/2019 memandangkan penurunan kuasa atau dengan izin, *delegation of powers* telah diberikan kepada Jabatan Perhutanan Sabah semenjak 1 Jun 2017 lagi.

2. Pengedaran gas dan kuasa kawal selia elektrik dan gas

Kementerian Perdagangan Dalam Negeri dan Hal Ehwal Pengguna bersetuju untuk menyerahkan kuasa kawal selia pengedaran gas di Sarawak mengikut dengan izin, *Distribution Gas Ordinance (DGO) Sarawak 2016*. Manakala Kerajaan Negeri Sabah pula bersetuju untuk melaksanakan dengan izin, *due diligence* sebelum penyerahan kuasa kawal selia gas dan elektrik boleh dilaksanakan.

3. Pelaksanaan Kerja raya Persekutuan dan Negeri

Kerajaan Persekutuan dan Kerajaan Negeri Sabah dan Sarawak bersetuju untuk menubuhkan Jawatankuasa Kerja Pemantapan Kolaborasi Pelaksanaan Projek Persekutuan bagi membincangkan **dua [2]** mekanisme pelaksanaan projek Persekutuan berdasarkan kepada punca kuasa yang ditetapkan di dalam Perlembagaan Persekutuan, Perjanjian Malaysia 1963 dan pada waktu yang sama turut mengambil maklum cadangan yang dinyatakan di dalam Jawatankuasa Antara-Kerajaan atau dengan izin, *Inter-Governmental Committee –IGC*.

4. Tenaga buruh

Kerajaan Persekutuan secara prinsipnya tiada halangan melaksanakan tuntutan berhubung penurunan kuasa kepada Kerajaan Negeri Sarawak dan Sabah bagi membuat perundangan subsidiari mengenai “*labour conditions peculiar to the state*” di bawah Ordinan Buruh negeri masing-masing.

5. Kuasa negeri ke atas isu kesihatan

Kerajaan Persekutuan dan Kerajaan Negeri Sarawak dan Sabah bersetuju untuk menubuhkan Jawatankuasa Khas Libat Urus secara berkala untuk membincangkan perkara-perkara berkaitan isu pengurusan kesihatan Negeri Sabah dan Sarawak.

6. Pentadbiran Pulau Sipadan dan Ligitan

Secara prinsipnya, Kerajaan Persekutuan bersetuju menyerahkan kuasa tadbir urus Pulau Sipadan dan Ligitan khususnya berkaitan pelancongan kepada Kerajaan Negeri Sabah. Dalam masa yang sama, isu teknikal dan kawal selia keselamatan di kedua-dua pulau ini sedang diperhalusi.

7. Isu pertanian dan perhutanan

Isu pertanian dan perhutanan bersetuju untuk digugurkan di dalam mesyuarat jawatankuasa ini, memandangkan kerana kedua-dua perkara ini sudah sememangnya berada di bawah Senarai II, Jadual Kesembilan Perlembagaan Persekutuan, iaitu Senarai Negeri.

Untuk makluman Ahli-ahli Yang Berhormat,

Satu laporan akhir berhubung dengan hasil semakan beserta cadangan hala tuju telah disediakan oleh pasukan petugas khas untuk dibentangkan kepada Jawatankuasa Khas Kabinet dalam masa terdekat.

Sekian, terima kasih.

NO. SOALAN 5 JAWAB BERSEKALI NO. SOALAN 14

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : YB DATO' MANSOR OTHMAN
[NIBONG TEBAL]**

**YB DATO' HAJI JALALUDDIN BIN
HAJI ALIAS [JELEBU]**

**YB DATO' SRI MUSTAPA BIN
MOHAMED [JELI]**

**TARIKH JAWAPAN : 10 OKTOBER 2019
10 OKTOBER 2019
07 NOVEMBER 2019**

SOALAN NO.5

YB DATO' MANSOR OTHMAN [NIBONG TEBAL] minta **MENTERI AIR, TANAH DAN SUMBER ASLI** menyatakan bagaimana Kerajaan memastikan pelaksanaan kadar baru tarif air tidak membebankan rakyat dan kenaikan tarif air juga adalah sejajar dengan peningkatan mutu dan kualiti perkhidmatan bekalan air.

YB DATO' HAJI JALALUDDIN BIN HAJI ALIAS [JELEBU] minta **MENTERI AIR, TANAH DAN SUMBER ASLI** menyatakan adakah kenaikan tarif air yang dijangka berlaku pada penghujung tahun ini telah dibincangkan dengan semua kerajaan negeri dan bagaimanakah pihak Kementerian memastikan kenaikan ini tidak membebankan pengguna terutamanya pengguna domestik.

YB DATO' SRI MUSTAPA BIN MOHAMED [JELI] minta **MENTERI AIR, TANAH DAN SUMBER ASLI** menyatakan status terkini cadangan untuk mengkaji semula tarif air seluruh negara. Apakah kos pengeluaran air

NO. SOALAN 5 JAWAB BERSEKALI NO. SOALAN 14

bagi setiap negeri berbanding tarif yang dikenakan serta kaedah untuk menjadikan industri air seluruh negara lebih mapan dan lestari.

JAWAPAN

Tuan Yang di-Pertua,

1. Cadangan pelaksanaan kadar baharu tarif air melalui Mekanisme Penetapan Tarif Air (*Tariff Setting Mechanism*) atau ringkasnya TSM adalah bertujuan untuk mewujudkan mekanisme penetapan tarif air yang sistematik, telus serta adil bagi manfaat kita semua. TSM mempunyai dua ciri penting. Ciri pertama ialah penyeragaman struktur tarif sedia ada, dan ciri kedua ialah pelarasan kadar tarif sedia ada.
2. Purata kadar tarif air pada masa ini adalah rendah iaitu RM1.38 bagi setiap 1,000 liter berbanding kos sebenar iaitu RM2.31 bagi setiap 1,000 liter. Keadaan tarif yang tidak melambangkan kos sebenar ini telah melemahkan kemampuan kewangan operator air dan berisiko menjelaskan kualiti perkhidmatan kepada pengguna.
3. Keadaan ini jika dibiarkan berlarutan akan meletakkan operator air dalam kedudukan kewangan yang lemah. Kesannya, perkhidmatan bekalan air yang berkualiti kepada pengguna tidak dapat diberikan. Tambahan lagi, kenaikan kos operasi tahunan tidak diimbangi dengan kenaikan tarif yang setara sekaligus meletakkan beberapa operator air dalam kedudukan kewangan yang sukar untuk memberikan perkhidmatan air yang berkualiti.

Tuan Yang Dipertua,

4. Dalam menetapkan kadar tarif air baharu di bawah TSM, Kerajaan mengambilkira kepentingan golongan berpendapatan rendah terhadap akses kepada bekalan air. Oleh itu, pelarasan tarif yang dicadangkan adalah minimum iaitu melibatkan kenaikan antara 0.06 sen hingga 0.71 sen bagi setiap 1,000 liter. Kadar ini secara umumnya jauh lebih rendah jika dibandingkan dengan bayaran utiliti lain seperti elektrik, gas dan telekomunikasi. Bagi menjamin supaya pelaksanaan TSM tidak

NO. SOALAN 5 JAWAB BERSEKALI NO. SOALAN 14

membebankan isi rumah berpendapatan rendah, Kerajaan akan memastikan kenaikan minimum dilakukan kepada jalur penggunaan antara 0 - 20 meter padu. Hal ini kerana penggunaan air dalam jalur tersebut adalah mewakili 47.8% pengguna domestik di Malaysia.

5. Pelaksanaan TSM adalah merupakan satu kaedah penting untuk menjadikan industri air seluruh negara menjadi lebih mapan dan lestari, terutamanya meningkatkan keupayaan kewangan operator air untuk melaksanakan projek-projek menambah baik infrastruktur sistem bekalan air seperti pembinaan loji rawatan air baharu, menaik taraf loji rawatan sedia ada, menggantikan paip uzur dan kerja-kerja penyelenggaraan peralatan.

6. Dari segi perkembangan ke arah melaksanakan TSM, saya ingin memaklumkan bahawa sesi konsultasi dengan operator air, kerajaan-kerajaan negeri di Semenanjung Malaysia dan Wilayah Persekutuan Labuan serta wakil pengguna telah dilaksanakan melalui Suruhanjaya Perkhidmatan Air Negara (SPAN). Melalui sesi konsultasi yang telah diadakan, penjelasan mengenai cadangan TSM yang mengambilkira keperluan industri perkhidmatan bekalan air yang berbeza di setiap negeri telah diberikan. Cadangan pelaksanaan TSM dijangka akan dapat dilaksanakan pada tahun hadapan selepas diluluskan oleh Kabinet.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN HAJI WAN HASSAN BIN MOHD RAMLI
[DUNGUN]**

TARIKH : 10 OKTOBER 2019 (KHAMIS)

SOALAN NO. 6

Minta **PERDANA MENTERI** menyatakan:

Bilakah sistem pendaftaran automatik pengundi berumur 18 tahun ke atas akan dilaksanakan dan jaminan mereka yang berdaftar sekarang akan dimasukkan ke dalam Daftar Pemilih Induk yang layak mengundi pada PRU 15 kelak.

**JAWAPAN : YB DATUK LIEW VUI KEONG
MENTERI DI JABATAN PERDANA MENTERI**

Yang Di-Pertua,

1. Saya mohon izin untuk menjawab Pertanyaan Lisan Nombor 6 daripada YB Dungun berkaitan dengan **isu pelaksanaan umur pengundi 18 tahun dan pendaftaran pemilih secara automatik** bersekali dengan **4 pertanyaan** yang dibangkitkan oleh YB Sipitang pada 16 Oktober 2019, YB Pontian pada 22 Oktober 2019, YB Bukit Gantang dan YB Kota Bharu pada 29 Oktober 2019. Ini memandangkan pertanyaan-pertanyaan yang dibangkitkan tersebut menyentuh isu yang sama.

2. Untuk makluman Yang Berhormat, Suruhanjaya Pilihan Raya (SPR) sedang dalam persiapan untuk melaksanakan **umur kelayakan pengundi 18 tahun dan pendaftaran pemilih secara automatik**

SOALAN NO. 6

berdasarkan kepada pindaan **Perkara 119(4) Perlembagaan Persekutuan** yang telah diluluskan oleh Parlimen pada Mesyuarat Kedua Penggal Kedua Parlimen Keempat Belas. Persiapan tersebut termasuklah penyediaan pindaan kepada **Peraturan-Peraturan Pilihan Raya (Pendaftaran Pemilih) 2002** dan undang-undang lain yang berkaitan, penyediaan *standard operating procedures (SOP)* dan penyediaan sistem dan infrastruktur bagi pelaksanaan umur kelayakan pengundi 18 tahun dan pendaftaran pemilih secara automatik.

3. Justeru itu, SPR menjangkakan semua perkara ini akan dapat disiapkan dalam tempoh **18 hingga 24 bulan** dari tarikh kelulusan pindaan oleh Dewan Negara pada **25 Julai 2019**. Jangkaan tarikh pelaksanaan tersebut adalah selewat-lewatnya pada bulan **Julai 2021**.
4. Untuk makluman Yang Berhormat, sekiranya pelaksanaan umur kelayakan pengundi 18 tahun dan pendaftaran pemilih secara automatik telah berkuat kuasa pada tarikh yang ditetapkan, maka adalah menjadi tanggungjawab SPR untuk memastikan setiap warganegara yang telah mencapai umur 18 tahun serta tidak hilang kelayakan sebagai pemilih didaftarkan sebagai pemilih dan mereka layak untuk mengundi pada Pilihan Raya Umum Ke-15.
5. SPR sedang bekerjasama dengan Jabatan Pendaftaran Negara, Jabatan Penjara Malaysia, Kementerian Kesihatan Malaysia, Pendaftar Mahkamah dan agensi-agensi lain yang berkaitan untuk membekalkan maklumat warganegara yang telah mencapai umur 18 tahun dan maklumat warganegara yang hilang kelayakan sebagai pemilih berdasarkan kepada peruntukan **Perkara 119(3) Perlembagaan Persekutuan**.
6. SPR juga sedang melaksanakan Program Pendidikan Pengundi, promosi dan publisiti untuk memberikan kefahaman terhadap kedua-dua pindaan tersebut.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA PENGGAL KEDUA
PARLIMEN KEEMPAT BELAS**

PERTANYAAN : LISAN

DARIPADA : DATUK ROZMAN BIN ISLI [LABUAN]

TARIKH : 10 OKTOBER 2019 (KHAMIS)

SOALAN

DATUK ROZMAN BIN ISLI [LABUAN] minta **MENTERI WILAYAH PERSEKUTUAN** menyatakan apakah Kementerian berhasrat untuk memohon semula kelulusan pembinaan Litar Sukan Permotoran Antarabangsa Labuan (*Labuan International Motorsports Circuit*) di Kiamsam, Wilayah Persekutuan Labuan yang sudah diluluskan tapi dibatalkan sebelum ini.

JAWAPAN

Tuan Yang Di Pertua,

Untuk makluman Yang Berhormat Labuan, Kementerian Wilayah Persekutuan (KWP) mengambil maklum akan kelulusan pembinaan Litar Mini Pemotoran di Wilayah Persekutuan Labuan yang tidak dapat diteruskan pelaksanaannya melalui surat arahan Pejabat Pembangunan Persekutuan Negeri, Wilayah Persekutuan bertarikh 13 Julai 2018, berikutan dari arahan Kerajaan untuk tidak meneruskan projek yang berstatus **belum mula**.

Untuk makluman Yang Berhormat Labuan, Projek untuk membina Litar Mini Permotoran di Lot Tanah 9845 dan Lot Tanah 9148 seluas tanah 15.2 ekar di Kiamsam, Labuan dengan anggaran kos RM3 juta, diluluskan pada bulan Julai 2018. Walau bagaimanapun, pada bulan Februari 2018, Perbadanan Labuan telah menerima satu cadangan pembangunan oleh pihak swasta untuk membina Litar Permotoran Antarabangsa Labuan dengan kos sebanyak RM20 juta. Maka dengan itu, Pihak Perbadanan Labuan telah meminta supaya satu cadangan yang lebih menyeluruh untuk diselaraskan semula bersesuaian dengan peruntukan yang telah diluluskan. Buat setakat ini, cadangan litar permotoran ditapak yang sama perlu dikaji dan disemak semula kesesuaianya kerana telah ada pembangunan dikawasan sekitarnya telah diluluskan bagi tujuan kediaman pekerja dan pejabat di bawah projek Lembaga Kemajuan Ikan Malaysia (LKIM), Labuan.

Terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS (2019)

PERTANYAAN : LISAN

DARIPADA : YB TUAN SABRI BIN AZIT [JERAI]

TARIKH : 10 OKTOBER 2019 (KHAMIS)

SOALAN

Minta **PERDANA MENTERI** menyatakan status terkini usaha menaik taraf status 5,000 guru KAFA yang memiliki diploma dan ijazah ke perjawatan tetap.

JAWAPAN: (YB PUAN HAJJAH FUZIAH SALLEH, TIMBALAN MENTERI DI JABATAN PERDANA MENTERI)

Yang di-Pertua,

1. Untuk makluman Yang Berhormat, Kerajaan hari ini menghargai segala sumbangan dan peranan guru KAFA dalam pendidikan al-Quran dan Fardhu ain. Kelas KAFA ini sendiri menyumbang kepada generasi celik al-Quran dan membasmi kadar buta al-Quran yang agak tinggi.
2. Walaupun perkembangan pendidikan KAFA dilihat sangat positif, namun wujud isu-isu tertentu terutama melibatkan perjawatan guru dan penyelia KAFA dilihat masih terabai sejak penubuhannya 29 tahun yang lalu. Kebanyakan isu tersebut pernah mendapat teguran oleh Jabatan Audit Negara dalam laporan audit jabatan berkenaan pada tahun 2014 yang mngesyorkan supaya dilaksanakan satu kajian/ penilaian semula yang menyeluruh terhadap pelaksanaan program KAFA dengan memberi tumpuan kepada masalah yang sering berbangkit seperti pencapaian outcome serta menentukan faktor yang memberi kesan kepada kecekapan

NO. SOALAN : 8

dan keberkesanan program dan seterusnya merangka pelan jangka panjang untuk penambahbaikan program ini.

3. Berdasarkan kepada perkara di atas, JAKIM telah menubuhkan Task Force yang diketuai oleh YB Hajah Fuziah binti Salleh, Timbalan Menteri di Jabatan Perdana Menteri telah melibatkan agensi-agensi seperti Kementerian Kewangan (MOF), Jabatan Perdana Menteri (JPM), Jabatan Perkhidmatan Awam (JPA), dan Suruhanjaya Perkhidmatan Awam (SPA) dan juga Kementerian Pendidikan Malaysia (KPM). Tujuan penubuhan pasukan khas ini adalah untuk mengkaji dan menyemak serta mencadangkan semula tugas serta tanggungjawab guru dan penyelia KAFA secara bersama.
4. Hasil daripada dapatan task force tersebut, KAFA perlu distrukturkan semula, di antaranya ialah hari pembelajaran daripada 3 hari kepada 5 hari, kemudian melihat semula kepada kurikulum dan keberhasilan pelaksanaan, kemenjadian murid, pembentukan peribadi dan pembentukan nilai dalam diri murid. Ini memerlukan kepada latihan guru yang intensif serta pedagoginya, alat bantu mengajar, premis bagi memenuhi aspek keguruan serta mewujudkan Memorandum of Understanding (MoU) bersama Institut Pendidikan Guru Malaysia (IPGM), Kementerian Pendidikan Malaysia (KPM) dan agensi-agensi lain berkaitan.
5. Berdasarkan penemuan-penemuan yang disebutkan, kerajaan berhasrat untuk melihat kebajikan guru KAFA diberi perhatian serius. Namun, oleh kerana kekangan dasar pada hari ini yang melibatkan dasar perkhidmatan awam yang kejat, maka secara langsung, guru-guru KAFA juga tertakluk kepada dasar ini. Akan tetapi, ini tidak bermaksud usaha kita terhenti sehingga setakat ini. Kerajaan akan meneruskan usaha untuk memperkasakan pendidikan KAFA termasuk kebajikan guru-guru KAFA.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KEDUA
PARLIMEN KE-EMPAT BELAS**

PERTANYAAN : LISAN

**DARIPADA : Y.B. DATUK SERI PANGLIMA WILFRED
MADIUS TANGAU [TUARAN]**

TARIKH : 10 OKTOBER 2019 (KHAMIS)

SOALAN

Minta **MENTERI PENGANGKUTAN** menyatakan bilakah Lapangan Terbang Antarabangsa Kota Kinabalu yang baru akan dibina.

JAWAPAN

Yang di-Pertua,

1. Untuk makluman Yang Berhormat, Lapangan Terbang Antarabangsa Kota Kinabalu (LTAKK) sedia ada direkabentuk untuk menampung pengendalian 9 juta penumpang setahun (mppa). Jumlah penumpang yang telah dikendalikan pada tahun 2018 di LTAKK telah mencapai sebanyak 8.6 juta penumpang iaitu hampir 95% daripada kapasiti sedia ada. Malaysia Airports Holdings Berhad (MAHB) sebelum dari ini telah mengunjurkan kapasiti LTAKK akan mencapai had kapasiti maksimum pada tahun 2021.
2. Mengikut Pelan Induk Lapangan Terbang 2008 (National Airport Masterplan), LTAKK di lokasi sediada boleh menampung kapasiti maksimum sehingga 18 mppa yang dijangka akan mencapai had kapasiti maksimum tersebut pada tahun 2031.

NO. SOALAN : 9

3. Pada ketika ini, Kerajaan tidak mempunyai sebarang perancangan untuk membina LTAKK yang baharu mengambil kira pelaburan sebanyak RM1.6 billion pada tahun 2006 yang telah dilaburkan oleh Kerajaan untuk menaiktaraf lapangan terbang tersebut.
4. Kerajaan mempunyai perancangan untuk menaiktaraf LTAKK sediada bagi meningkatkan lagi kapasiti sedia ada bagi menampung perkembangan industri penerbangan. Bagi melaksanakan projek naiktaraf tersebut, Kerajaan perlu membuat proses pengambilalihan tanah milik Kerajaan Negeri Sabah.
5. Bagi memperincikan perancangan naik taraf tersebut, satu Kajian Pelan Induk mengenai pembesaran LTAKK sedang dijalankan oleh Malaysia Airports Holdings Berhad mulai bulan Ogos 2019. Kajian tersebut akan mengambil masa selama 7 bulan dan dijangka siap pada suku pertama tahun 2020.
6. Kementerian Pengangkutan telah menerima laporan hasil Kajian Pelan Induk untuk Hub Penerbangan Dan Logistik Fret Udara di Sabah yang dilaksanakan oleh Sabah Economic Development and Investment Authority (SEDIA). Dapatan kajian tersebut akan diambilkira bagi sebarang perancangan pembangunan LTAKK di masa hadapan.

Sekian, terima kasih.

PEMBERITAHUAN PERTANYAAN BAGI JAWAPAN LISAN
MESYUARAT KETIGA, PENGGAL KEDUA
PARLIMEN KEEMPAT BELAS DEWAN RAKYAT

PERTANYAAN : LISAN

**DARIPADA : DATUK SERI HAJI AHMAD BIN HAJI MASLAN
[PONTIAN]**

TARIKH : 10 OKTOBER 2019 (KHAMIS)

SOALAN

DATUK SERI HAJI AHMAD BIN HAJI MASLAN [PONTIAN] minta **MENTERI INDUSTRI UTAMA** menyatakan perbandingan harga-harga setan atau sekilo pada 1 April 2018 dibanding pada 1 Oktober 2019 iaitu BTS sawit, getah sekerap, koko, lada hitam dan komoditi lain bawah kawalan Kementerian. Nyatakan langkah-langkah terperinci untuk menaikkan harga komoditi tersebut dan berapa ramaikah pekebun kecil dan industri yang terlibat dengan setiap komoditi.

JAWAPAN

Tuan Yang di-Pertua,

Izinkan saya menjawab soalan ini bersekali dengan soalan yang telah dibangkitkan oleh Yang Berhormat Sekijang pada 22 Oktober 2019, Yang Berhormat Sungai Besar pada 4 November 2019, Yang Berhormat Lawas pada 7 November 2019, Yang Berhormat Julau dan Yang Berhormat Serian pada 13 November 2019 serta Yang Berhormat Dungun pada 28 November 2019 yang juga menyentuh tentang perkara yang sama.

Tuan Yang di-Pertua,

Pada 1 April 2018, tiada data harga direkodkan memandangkan tarikh tersebut jatuh pada hari Ahad. Walau bagaimanapun, harga Buah Tandan Segar (BTS) bergred A pada 2 April 2018, harga di semenanjung

SOALAN NO.: 10

Malaysia adalah RM529 per tan manakala pada 1 Oktober 2019 pula, harga BTS adalah RM408/tan. Harga getah *cuplumps* adalah RM 1.90 sekilogram di semenanjung pada 2 April 2018 manakala pada 1 Oktober 2019, harga *cuplumps* telah meningkat kepada RM 2.01sekilogram.

Bagi komoditi koko pula, harga di semenanjung pada 2 April 2018 adalah RM6,650 per tan manakala harga pada 1 Oktober 2019 telah meningkat kepada RM7,050 per tan dan pada 9 Oktober 2019, harga koko meningkat lagi kepada RM 7,300 per tan. Selain itu, harga bagi komoditi lada hitam adalah RM11,763 per tan pada 2 April 2018 dan RM7,400 per tan pada 1 Oktober 2019.

Tuan Yang di-Pertua,

Menyedari hakikat kejatuhan harga komoditi ini, pihak Kementerian sentiasa meneroka pasaran baharu sebagai salah satu usaha bagi menstabilkan harga komoditi negara. Antara pasaran baharu yang telah diteroka adalah Afrika, Turki, Mesir, Iran, Maghribi, Columbia dan sebagainya melalui beberapa siri misi ekonomi, pelaburan dan teknikal serta mesyuarat.

Tuan Yang di-Pertua,

Berkaitan soalan Yang Berhormat Pontian mengenai jumlah pekebun kecil, mengikut sumber daripada Pengkalan Data Pekebun Kecil (PDPK) Kementerian Industri Utama, bilangan pekebun kecil persendirian dan tersusun sehingga tahun 2018 bagi komoditi sawit adalah lebih kurang setengah juta, komoditi getah seramai 441,937, komoditi koko seramai 13,800, komoditi lada seramai 30,311 dan komoditi kenaf seramai 856 orang.

Tuan Yang di-Pertua,

Kementerian juga sentiasa berusaha membantu meringankan beban pendapatan pekebun kecil antaranya dengan melaksanakan inisiatif berikut:

- (a) memperkenalkan sistem belian secara atas talian MyROL yang telah digunakan di empat pusat pembelian getah secara berkelompok.

SOALAN NO.: 10

Melalui sistem ini harga getah yang ditawarkan adalah lebih kompetitif dan memberi pulangan yang lebih tinggi kepada pekebun kecil kerana capaian kepada pembeli adalah lebih meluas; dan

- (b) menggalakkan pekebun kecil melaksanakan amalan integrasi tanaman dan ternakan sebagai pendapatan sampingan. Pekebun kecil sawit digalakkan untuk memilih tanaman kontan (*cash crop*), sayur-sayuran atau buah-buahan untuk diintegrasikan manakala tanaman getah pula boleh diintegrasikan dengan pisang, betik, nenas, durian dan buah salak. Selain itu, integrasi ternakan seperti lebah dan kelulut juga berpotensi untuk diusahakan bersama tanaman getah.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN CHARLES ANTHONY SANTIAGO
[KLANG]**

TARIKH : 10 OKTOBER 2019 (KHAMIS)

SOALAN

Minta **MENTERI HAL EHWAL EKONOMI** menyatakan rancangan Kerajaan dan bagaimana Kerajaan dapat kurangkan ketidaksamarataan (*inequality*) di Malaysia dengan memperkenalkan Visi *Shared Prosperity*. Adakah Kerajaan bercadang untuk mendapat pandangan ahli akademik, Ahli Parlimen dan kumpulan kepentingan lain dalam penggubalan wawasan ini secara keseluruhan.

JAWAPAN

Tuan Yang di-Pertua,

1. Wawasan Kemakmuran Bersama 2030 (WKB) yang telah dilancarkan pada 5 Oktober 2019 oleh YAB Perdana Menteri merupakan hala tuju baharu pembangunan negara bagi tempoh 10 tahun iaitu mulai tahun 2021 hingga 2030, merangkumi tempoh Rancangan Malaysia Ke-12 (RMKe-12) dan Rancangan Malaysia Ke-13 (RMKe-13).
2. WKB adalah iltizam untuk menjadikan Malaysia sebagai sebuah negara yang terus menerus membangun secara mampan seiring dengan pengagihan ekonomi yang adil dan saksama serta inklusif pada semua peringkat kumpulan pendapatan, etnik, pembangunan wilayah dan rantai bekalan. WKB merupakan pendekatan holistik dalam

memastikan seluruh rakyat Malaysia dapat mengecapi taraf hidup wajar atau “*decent standard of living*” pada tahun 2030.

3. Menerusi WKB, fokus akan diberikan kepada usaha menstruktur semula ekonomi ke arah yang lebih progresif, berpaksikan ilmu dan bernilai tinggi dengan penyertaan masyarakat yang meyeluruh di semua peringkat. Pembangunan yang holistik dan mampan akan dapat memastikan kemakmuran negara dapat dirasai dan dinikmati oleh seluruh rakyat.

4. Di sebalik pencapaian pelaksanaan dasar-dasar terdahulu dalam bidang-bidang tertentu, masih wujud jurang ekonomi yang ketara di antara kumpulan pendapatan, etnik, wilayah dan rantaian bekalan. Berdasarkan WKB, Kerajaan akan melaksanakan inisiatif dan pendekatan yang menyuluruh dalam tempoh RMKe-12 dan RMKe-13 bagi memastikan jurang-jurang yang semakin melebar ini dapat ditangani dan dirapatkan.

5. Melalui WKB, usaha akan dipergiat dalam meningkatkan pendapatan dan kuasa beli rakyat. Tumpuan akan diberikan kepada usaha-usaha untuk mewujudkan peluang pekerjaan yang berpendapatan tinggi. Di samping itu, bagi merapatkan jurang di antara wilayah, pembangunan akan dibawa ke seluruh negara terutamanya negeri yang kurang membangun. Ini termasuklah dengan mengadakan pemetaan kawasan titik panas tumpuan ekonomi (*economic hot spots*) yang berpotensi untuk dibangunkan.

6. Dalam memastikan kejayaan pencapaian objektif WKB, Kerajaan akan memfokuskan kepada pembangunan sosioekonomi negara yang berpaksikan kesaksamaan keberhasilan (*equitability of outcomes*) berbanding kesaksamaan peluang (*equitability of opportunities*) semata-mata. Pendekatan ekonomi yang menjamin kesaksamaan keberhasilan sesuatu inisiatif akan mengambilkira kekangan terhadap pencapaian kumpulan atau individu yang disebabkan oleh perbezaan latar belakang. Bantuan latihan serta sokongan sewajarnya akan diberikan bagi meningkatkan peluang kejayaan mereka.

NO. SOALAN : 11

7. Dalam merangka Wawasan Kemakmuran Bersama dan juga menggubal RMKe-12, pelbagai sesi libat urus telah dilaksanakan melibatkan pemegang taruh seperti kementerian, kerajaan negeri, pertubuhan bukan kerajaan dan pertubuhan politik, wakil rakyat, pihak industri, pertubuhan anak-anak muda dan wanita serta ahli akademik.
8. Kerajaan akan melaksanakan sesi libat urus ini secara berterusan. Sebagai contoh, sesi taklimat kepada ahli Parlimen akan diadakan pada tengahari ini. Apa yang penting adalah kaedah yang diambil melibatkan gabungan pendekatan *top-down* dan *bottom-up* yang akan dipantau serta dinilai secara sistematik dan berkala dalam RMKe-12 dan RMKe-13.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KEDUA
PARLIMEN KE-EMPAT BELAS**

PERTANYAAN : LISAN

**DARIPADA : TUAN LUKANISMAN BIN AWANG SAUNI
[SIBUTI]**

TARIKH : 10 OKTOBER 2019 (KHAMIS)

SOALAN

Minta **MENTERI PENGANGKUTAN** menyatakan apakah langkah pihak Kerajaan untuk menambah baik polisi sedia ada berkaitan system pengangkutan menggunakan "Hydrogen Fuel Cell Technology" di Malaysia dan adakah pihak Kementerian sudi memberi sokongan terhadap langkah Kerajaan Sarawak yang memperkenalkan bas awam menggunakan hidrogen.

JAWAPAN

Yang di-Pertua,

1. Untuk makluman Yang Berhormat, permohonan Kelas Lesen Bas Berhenti-Henti (BBH) menggunakan kenderaan "Hydrogen Fuel Cell Technology" yang dikendalikan oleh Perbadanan Pembangunan Ekonomi Sarawak (SEDC) telah dipertimbangkan pada 17 Mei 2019 untuk 3 unit kenderaan bagi tujuan kajian dan penyelidikan sahaja sebagai kenderaan perkhidmatan awam selaras dengan perancangan Kerajaan Negeri Sarawak untuk menjadi hub Loji Pengeluaran Hidrogen Bersepadu dan Stesen Pengisian Bahan Api Hidrogen yang pertama di negara ini dan Asia Tenggara secara amnya.
2. Untuk makluman, polisi dan dasar pengeluaran lesen baru / tambahan bagi Kelas Lesen Bas Berhenti-Henti (BBH) adalah sama dan kekal seperti sedia ada tanpa mengambil kira penggunaan jenis bahan bakar untuk sesebuah kenderaan.
3. Setiap pengeluaran lesen yang dikeluarkan oleh Lembaga Pelesenan Kenderaan Perdagangan (LPKP) Sarawak adalah tertakluk kepada kelulusan yang diberikan oleh pihak Jabatan Pengangkutan Jalan (JPJ) bagi kelulusan penggunaannya di atas jalan raya terlebih dahulu. Kelulusan cetakan lesen untuk Kelas Lesen Bas Berhenti-Henti (BBH) juga tertakluk kepada syarat untuk mengemukakan Laporan Pemeriksaan Kenderaan Puspakom, Perakuan Kenderaan dan Sijil Pemilikan Kenderaan.

Sekian terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KETIGA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB TUAN WONG CHEN [SUBANG]

TARIKH : 10 OKTOBER 2019 (KHAMIS)

SOALAN

Minta **MENTERI SUMBER MANUSIA** menyatakan:-

- (a) skop tanggungjawab Kementerian Sumber Manusia dengan Kementerian Dalam Negeri mengenai isu pengambilan pekerja asing; dan
- (b) adakah kementerian komited untuk mengurangkan kos menggaji pembantu rumah asing yang kini merupakan RM15,000 bagi setiap pembantu rumah.

JAWAPAN

Tuan Yang di-Pertua,

1. Skop dan tanggungjawab Kementerian Sumber Manusia telah digariskan di bawah Akta Fungsi-Fungsi Menteri 1969. Kementerian Sumber Manusia bertanggungjawab dalam urusan berkaitan penggajian pekerja termasuk pekerja asing selaras dengan undang-undang perburuhan negara. Manakala, Kementerian Dalam Negeri bertanggungjawab dalam isu melibatkan keselamatan negara yang antaranya merangkumi proses masuk dan keluar pekerja bukan warganegara.

SOALAN NO : 13

2. Berhubung isu kos menggajikan pembantu rumah asing, Kerajaan komited dalam memperkenalkan struktur kos yang munasabah kepada majikan dalam menggajikan pembantu rumah asing. Antara langkah-langkah yang diambil oleh Kerajaan adalah mengadakan Memorandum Persefahaman (MoU) bersama negara sumber seperti Kemboja, perundingan dengan Kerajaan Indonesia berhubung penghantaran pekhidmat domestik mereka, memperkenalkan sistem *Maid Online* dan sebagainya.

Setiap perundingan yang dijalankan turut merangkumi penetapan struktur kos yang jelas dan munasabah di pihak majikan dan pekhidmat domestik. Walau bagaimanapun, kos-kos luar biasa yang pada masa ini ditanggung majikan adalah disebabkan kegagalan negara sumber untuk mematuhi terma-terma serta kos yang telah dipersetujui dalam MOU yang telah diadakan. Ini kerana kerajaan negara sumber mengalami kesukaran untuk mengawal dan membendung penglibatan agen-agen (*middle men*) dalam proses perekrutan.

3. Kerajaan prihatin kepada dilema yang dialami oleh majikan yang terpaksa menanggung kos yang tinggi dalam pengambilan pembantu rumah asing. Justeru, Kerajaan akan sentiasa mencari jalan terbaik dalam mengatasi permasalahan ini dan mengurangkan beban majikan.

PEMBERITAHUAN PERTANYAAN LISAN DEWAN RAKYAT
MESYUARAT KETIGA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB TUAN SIVAKUMAR VARATHARAJU
NAIDU [BATU GAJAH]

TARIKH : 10 OKTOBER 2019 (KHAMIS)

SOALAN

Minta **MENTERI SUMBER MANUSIA** menyatakan pembaharuan-pembaharuan yang telah dibuat oleh Kerajaan baharu dalam hal pengurusan Dana Pembangunan Sumber Manusia (HRDF). Nyatakan secara terperinci mengenai statistik kutipan dan perbelanjaan dana HRDF sejak tahun 2015.

JAWAPAN

Tuan Yang di-Pertua,

1. Di bawah pentadbiran Kerajaan baharu, pembahagian levi Kumpulan Wang Pembangunan Sumber Manusia (KWPSM) dipecahkan kepada dua bahagian iaitu 70% untuk program latihan mengikut keperluan majikan dan 30% dana terkumpul bagi melaksanakan inisiatif strategik, telah dihentikan berkuatkuasa pada bulan November 2018.
2. Selain itu, semua Inisiatif Strategik Modal Insan (*Human Capital Strategic Initiatives*) di bawah KWPSM yang telah dilaksanakan sebelum ini melalui dana terkumpul telah dikaji semula dan ditambah baik dengan memberi fokus kepada program berimpak tinggi dengan kos yang berpatutan melalui mekanisma “*matching grant*”.

SOALAN NO : 15

3. Bagi memastikan latihan yang dijalankan adalah mengikut keperluan industri, dua (2) *Industrial Skills Framework* bagi industri hotel dan peruncitan telah dibangunkan dan tiga lagi masih dalam proses pembangunan. Selain itu, KWPSM sedang membangunkan sebuah platform atas talian (*online*) iaitu *Learning and Training Hub* (LATiH) yang akan di lancarkan pada awal tahun 2020 bagi memudahkan transaksi latihan di antara penyedia latihan dan majikan.
4. Butiran maklumat kutipan levi dan penggunaan dana HRDF dari 2015 sehingga September 2019 adalah seperti berikut:

Tahun	2015	2016	2017	2018	2019 (1 Jan - 30 Sept)
Majikan berdaftar	16,569	17,535	21,928	26,281	28,651
Kutipan Levi (RM juta)	603.00	673.19	712.29	803.34	655.63
Tempat Latihan diluluskan	836,468	895,610	959,973	880,380	755,881
Bayaran Geran (RM juta)	456.55	562.32	612.03	691.15	388.81

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KEDUA
PARLIMEN KE-EMPAT BELAS**

PERTANYAAN : LISAN

**DARIPADA : TUAN RAMLI BIN DATO' MOHD NOR
[CAMERON HIGHLANDS]**

TARIKH : 10 OKTOBER 2019 (KHAMIS)

SOALAN

Minta **MENTERI PENGANGKUTAN** menyatakan tindakan Kerajaan pusat dalam menyelesaikan kemelut kesesakan lalulintas yang dialami di daerah Cameron Highlands terutama sekali semasa musim cuti serta perancangan dan jumlah peruntukan yang disediakan untuk menyelesaikan masalah ini.

JAWAPAN

Yang di-Pertua,

1. Untuk makluman Yang Berhormat, masalah kesesakan jalan raya di Cameron Highlands adalah serius dan rumit kerana ia melibatkan bidang kuasa beberapa agensi kerajaan pusat, kerajaan negeri dan kerajaan tempatan. Tanpa mengambil pendekatan ‘multi-agensi’, adalah mustahil masalah tersebut dapat ditangani sepenuhnya.
2. Pertama sekali, Laluan Persekutuan FT 59 merupakan satu-satunya jalan yang menghubungkan pekan-pekan utama di Daerah Cameron Highlands seperti Ringlet, Habu, Tanah Rata, Brinchang, Tringkap, Kuala Terla, Kampung Raja, Blue Valley sehingga ke Simpang Pulai. Jalan FT59 ini telah mencapai tahap kapasiti maksima dan tidak berkeupayaan untuk menampung aliran dan frekuensi trafik yang sangat tinggi terutamanya pada hujung minggu, cuti persekolahan dan cuti umum.

3. Bagi mengatasi masalah ini, Kerajaan sedang mengkaji untuk membangunkan Jalan Pintasan Cameron Highlands sebagai jalan alternatif bagi mengatasi masalah kesesakan lalu lintas di Cameron Highlands.
4. Walau bagaimanapun, cadangan pembinaan Jalan Pintasan Cameron Highlands ini perlu diteliti dan Kajian Kemungkinan (Feasibility Study) perlu dilaksanakan terlebih dahulu bagi mengenal pasti daya maju (viability) projek. Setelah kajian ini selesai, Kerajaan juga perlu memperuntukkan sumber kewangan untuk menampung kos projek ini. Kajian ini akan dilaksanakan oleh Kementerian Kerja Raya dan dijangka akan selesai pada tahun 2020.
5. Menurut makluman dari Kementerian Kerja Raya, sebagai langkah penyelesaian jangka masa pendek, pihak Kerajaan masih mempertimbangkan pelaksanaan projek menaik taraf dan melebarkan Jalan Persekutuan FT 59 Jalan Ringlet Ke Blue Valley. Dalam hubungan ini, KKR akan bekerjasama dengan Kementerian Hal Ehwal Ekonomi untuk mengenal pasti peruntukan kewangan yang diperlukan supaya cadangan projek ini dilaksanakan sebelum tahun 2020.
6. Di bawah bidang kuasa Kementerian Pengangkutan pula, tumpuan akan diberi dari segi rancangan pembangunan dan penambahbaikan pengangkutan awam di Cameron Highlands yang sebelum ini tidak diberi perhatian yang serius. Punca kesesakan jalan raya di Cameron Highlands adalah kereta-kereta pelancong yang mengunjungi kawasan Cameron Highlands pada hujung minggu dan cuti sekolah.
7. Untuk makluman, di seluruh daerah Cameron Highlands hanya terdapat 139 permit taxi mewah/kereta sewa yang aktif beroperasi di samping perkhidmatan e-hailing seperti Grab dan MyCar setakat Julai 2019.

NO. SOALAN : 16

8. Bagi perkhidmatan bas pula, hanya terdapat sebuah syarikat pengendali bas yang memberi perkhidmatan bas henti-henti di laluan Tanah Rata - Kg. Raja - Blue Valley dengan 19 trip setiap hari dan purata penumpang 198 orang sahaja setiap hari. Jelas, peningkatan perkhidmatan pengangkutan awam harus menjadi sebahagian daripada strategi dalam menangani kesesakan lalu lintas di Cameron Highlands. Pihak Kementerian Pengangkutan akan menilai semula perkhidmatan bas di Cameron Highland dan menggalakkan pihak swasta untuk menambah bilangan dan kekerapan bas supaya dapat menggalakkan warga tempatan dan pelancong-pelancong menggunakan pengangkutan awam di Cameron Highland bagi mengurangkan kesesakan.
9. Kementerian Pengangkutan juga mengambil maklum tentang isu parkir yang tidak mencukupi dan juga aduan tentang operasi gerai-gerai di sepanjang jalan utama yang turut menyumbang kepada kesesakan. Walau bagaimanapun, isu-isu tersebut memerlukan usaha penguatkuasaan yang mantap dan strategi baru oleh pihak kerajaan tempatan.
10. Kementerian Pengangkutan juga mengalu-alukan sebarang usaha oleh pihak Kerajaan Negeri Pahang supaya lebih proaktif dalam berbincang bersama Kerajaan Persekutuan dan mencari jalan penyelesaian yang menyeluruh terhadap isu kesesakan di Daerah Cameron Highlands.

Sekian, terima kasih.

PEMBERITAHUAN PERTANYAAN BAGI JAWAPAN LISAN
MESYUARAT KETIGA, PENGGAL KEDUA
PARLIMEN KEEMPAT BELAS DEWAN RAKYAT

PERTANYAAN : LISAN

DARIPADA : DATO' SRI MUSTAPA BIN MOHAMED [JELI]

TARIKH : 10 OKTOBER 2019 (KHAMIS)

SOALAN

DATO' SRI MUSTAPA BIN MOHAMED [JELI] minta **MENTERI INDUSTRI UTAMA** menyatakan masa depan industri getah dan minyak sawit dalam tempoh 5 tahun akan datang dan sama ada Kementerian bercadang mengkaji semula strategi negara untuk kedua-dua sektor ini, termasuklah cadangan untuk mengenal pasti tanaman-tanaman yang lain.

JAWAPAN

Tuan Yang di-Pertua,

Kementerian sedang menyediakan Kertas Strategi bagi Rancangan Malaysia Ke-12 (RMKe-12) yang merangkumi penilaian prestasi RMK-11 secara keseluruhannya dan perancangan serta hala tuju industri komoditi negara termasuk industri sawit dan getah bagi tempoh lima tahun akan datang bermula tahun 2021-2025. Melalui Kertas Strategi ini, Kementerian akan meneliti dan mengkaji semula segala aspek penambahbaikan dalam keseluruhan rantai industri sawit dan getah dari sektor hulu sehingga sektor hilir. Perancangan strategik yang digariskan ini juga berfokuskan kepada kemakmuran bersama bagi meningkatkan nilai pendapatan eksport industri komoditi seterusnya menyumbang kepada peningkatan ekonomi negara.

Dalam usaha menyediakan Kertas Strategi ini, Kementerian telah mengadakan beberapa sesi dialog bersama pihak industri pada 6 dan 8 Ogos 2019 yang lalu. Seterusnya, perkara ini telah diperincikan dalam sesi perbincangan Kumpulan Kerja Teknikal (TWG) Industri Komoditi yang turut melibatkan wakil dari pihak industri, persatuan dan juga agensi kerajaan

SOALAN NO : 17

dalam usaha mengumpulkan idea dan cadangan yang terkini untuk di bawa bagi tempoh lima tahun akan datang.

Antara perkara yang akan diteliti oleh Kementerian adalah berkaitan dengan pembangunan sektor hiliran, penubuhan lebih banyak koperasi bagi mengurangkan eksplorasi, penggalakkan integrasi tanaman dan ternakan, pembangunan revolusi industri 4.0 (IR 4.0) serta kerjasama dan rundingan bersama negara serantau.

Tuan Yang di-Pertua,

Kementerian berpandangan bahawa buluh merupakan contoh tanaman selain daripada komoditi sawit dan getah yang berpotensi dibangunkan sebagai sumber baharu untuk diusahakan secara ladang komersial. Hasil tanaman mempunyai pelbagai kegunaan dan berpotensi meningkatkan pendapatan pengusaha. Sebagai contoh, rebung buluh boleh dijadikan bahan makanan yang popular di negara seperti Korea, Jepun dan China. Buluh juga turut digunakan dalam pembuatan arang, perabot dan bahan binaan yang mana kualitinya setanding dengan kualiti produk-produk kayu yang lain.

Pada tahun 2018, nilai pasaran dunia bagi buluh mencecah sehingga USD68.8 bilion yang kini didominasi oleh China, India dan Taiwan. Manakala nilai eksport Malaysia bagi produk berdasarkan buluh adalah sebanyak RM 9.9 juta. Namun begitu, industri buluh di Malaysia boleh dimajukan dan dikembangkan lagi di peringkat tempatan mahupun antarabangsa.

Tuan Yang di-Pertua,

Kementerian menggalakkan integrasi tanaman dan ternakan di ladang-ladang kelapa sawit dan getah di mana pekebun kecil boleh memilih sama ada untuk mengintegrasikan tanaman kontan, sayur-sayuran, buah-buahan atau menjalankan integrasi ternakan seperti lebah, kelulut, lembu atau kambing untuk diusahakan bersama tanaman mereka.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : DATO' SRI HAJI ABDUL RAHMAN BIN MOHAMAD [LIPIS]

TARIKH : 10 OKTOBER 2019 [KHAMIS]

SOALAN NO. 18

Minta **MENTERI HAL EHWAL EKONOMI** menyatakan secara terperinci jumlah bajet daripada Kerajaan Persekutuan sebanyak RM6.23 billion kepada FELDA sekiranya telah diterima sepetimana dinyatakan dalam pembentangan Kertas Putih bersekali dengan agihan perbelanjaan dan kegunaannya.

JAWAPAN

Tuan Yang di-Pertua,

1. Untuk makluman Ahli Yang Berhormat, Kerajaan bersetuju untuk memperuntukkan RM6.23 bilion kepada FELDA seperti yang dinyatakan dalam Kertas Putih FELDA. Bagi tahun 2019, Kerajaan telah meluluskan RM2.5 bilion dalam bentuk jaminan Kerajaan bagi membolehkan FELDA untuk menstruktur semula pinjaman sedia ada daripada institusi kewangan. Manakala, sebanyak RM510 juta berbentuk tunai telah disalurkan kepada FELDA untuk membiayai program-program berikut:

- (i) Projek Perumahan Generasi Baharu FELDA (PGBF) – RM180 juta;
- (ii) Program Pembangunan Peneroka Untuk Mendapatkan Hasil Baharu – RM30 juta; dan
- (iii) Penghapusan Faedah Hutang Kebun Peneroka – RM300 juta.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : TUAN PRABAKARAN A/L M PARAMESWARAN

TARIKH : 10 OKTOBER 2019 (KHAMIS)

SOALAN NO. 19

Tuan Prabakaran A/L M Parameswaran [Batu] minta **MENTERI AIR, TANAH DAN SUMBER ASLI** menyatakan pengurusan yang tidak terkawal di kolam-kolam takungan banjir di mana sampah telah membanjiri kawasan ini. Seperti di Kolam Nanyang, oleh kerana sampah telah memenuhi kolam tersebut bau yang tidak menyenangkan telah wujud dan secara tidak langsung ianya menjadikan kesihatan penduduk setempat. Adakah Kementerian melalui JPS mempunyai sebarang perancangan tindakan supaya tahap kesihatan warga setempat dapat terkawal.

JAWAPAN

Tuan Yang di-Pertua,

Kementerian Air, Tanah dan Sumber Asli (KATS) melalui Jabatan Pengairan dan Saliran (JPS) telah melaksanakan beberapa program bagi Kolam Nanyang. Antara program yang telah dilaksanakan pada tahun 2018 dan 2019 adalah:

- i) Membersih sampah sarap yang terdapat di dalam kolam berkenaan
- ii) Membina perangkap sampah jenis *Log Boom* di bahagian hilir kolam.

JPS merancang untuk menaiktaraf perangkap sampah di bahagian hulu Kolam Nanyang untuk mempertingkatkan keupayaan kolam bagi menakung atau mengumpul sampah dari sebelah hulu Sungai Jinjang.

Di samping itu, kawalan di punca (*control at source*) perlu dilaksanakan oleh Pihak Berkuasa Tempatan (PBT) - **DBKL** bagi mengurangkan sampah yang dibuang dan mengalir masuk ke Sungai Jinjang seterusnya ke Kolam Nanyang. Ini kerana sekiranya masalah ini tidak ditangani lebih awal, besar kemungkinan sumber air kita akan sentiasa tercemar dan secara tidak langsung akan menjadi punca tersebarnya wabak penyakit.

Walaubagaimanapun, kerjasama daripada semua pihak amat diperlukan bagi sama-sama menjaga kebersihan kolam takungan ini. Warga setempat perlu diberi pendidikan dan kesedaran tentang kepentingan menjaga sumber air di kawasan masing-masing agar tahap kesihatan mereka dapat ditingkatkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' SRI AZALINA OTHMAN SAID
[PENGERANG]**

TARIKH : 10 OKTOBER 2019 (KHAMIS)

SOALAN

Minta **PERDANA MENTERI** menyatakan adakah Kerajaan akan menggugurkan Bahagian Penyemakan dan Pembaharuan Undang-Undang, Jabatan Peguam Negara selepas memperkenalkan Suruhanjaya Pembaharuan Undang-Undang bagi mengelakkan pembaziran sumber Kerajaan serta pertindihan serta adakah Rang Undang-Undang Suruhanjaya Pembaharuan Undang-Undang ini akan diedarkan untuk konsultasi awam sebelum dibawa ke Parlimen.

JAWAPAN : YB DATUK LIEW VUI KEONG, MENTERI DI JABATAN PERDANA MENTERI

Tuan Yang di-Pertua,

Kerajaan sedang mengkaji kemungkinan menujuhkan Suruhanjaya Pembaharuan Undang-Undang sebagai sebuah badan bebas untuk mengkaji semula dan mengesyorkan pembaharuan undang-undang yang diperlukan kepada Kerajaan. Dalam konteks ini, cadangan penubuhan Suruhanjaya Pembaharuan Undang-Undang ini akan mempertimbangkan aspek-aspek utama seperti penetapan polisi yang jelas, kedudukan kewangan Kerajaan, pertindihan fungsi dengan entiti Kerajaan sedia ada, sumber manusia dan lain-lain yang berkaitan.

Dalam usaha ke arah penubuhan Suruhanjaya Pembaharuan Undang-Undang tersebut, Kerajaan komited untuk memastikan dasar baharu yang akan diperkenalkan ini melalui proses libat urus yang holistik bersama semua pihak berkepentingan termasuk edaran draf Rang Undang-Undang Suruhanjaya Pembaharuan Undang-Undang untuk konsultasi awam. Ini memastikan penglibatan menyeluruh semua lapisan masyarakat dalam sistem pentadbiran keadilan negara yang telus dan mampan.

Sekian. Terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : JAWAB LISAN

**DARIPADA : YB DATO' SERI HAJI MUKHRIZ
BIN TUN DR. MAHATHIR [JERLUN]**

TARIKH : 10 OKTOBER 2019

SOALAN

Minta **MENTERI BELIA DAN SUKAN** menyatakan apakah langkah-langkah pemerkasaan belia dalam sektor ekonomi dan keusahawanan bagi menunaikan ikrar Kerajaan untuk meningkatkan pembabitan golongan muda dalam arus perdana pembangunan negara.

JAWAPAN

Yang di-Pertua,

1. Kementerian Belia dan Sukan telah menjalankan inisiatif program-program pemerkasaan belia dalam sektor ekonomi dan keusahawanan. Inisiatif kementerian merangkumi beberapa kluster termasuk dari segi pembangunan ekonomi yang menerapkan nilai keusahawanan sebagai salah satu sumber pendapatan serta meningkatkan pembabitan golongan muda dalam pembangunan negara. Antara program yang dilaksanakan seperti:

(a) Program *Youth Career (Y-Career)* telah dilaksanakan semenjak tahun 2018 sehingga 2019. Setiap tahun Jabatan Belia dan Sukan Negara (JBSN) dengan kerjasama setiap JBS Negeri akan menganjurkan program *Y-Career* yang bertujuan membantu belia B40 (bandar dan luar bandar) mengikuti latihan kemahiran khusus

SOALAN NO : 21

yang turut diterapkan dalam kalangan golongan sasaran bagi membantu membina jati diri serta melengkapkan diri dengan kemahiran-kemahiran asas dalam menempuh alam pekerjaan. Sehingga Oktober 2019, jumlah penyertaan adalah seramai 414 peserta secara keseluruhannya.

- (b) Program Pembangunan Usahawan Digital (*Young Heroes*) telah dilaksanakan semenjak tahun 2018 dengan projek rintis dan diteruskan sehingga 2019. Pengajuran program ini bertujuan untuk meningkatkan pendapatan dan mengembangkan perniagaan melalui platform perniagaan atas talian kepada usahawan-usahawan belia. Bengkel ini dilaksanakan di semua zon di seluruh negara dan sehingga Oktober 2019 jumlah penyertaan adalah seramai 115 orang.
- (c) Program Keusahawanan Belia Bestari atau *B-Best* mengutamakan belia minoriti (berisiko) bertujuan mencetuskan kesedaran, keinsafan dan membangunkan jati diri para belia serta membuka peluang kepada mereka untuk membina kerjaya hidup yang cemerlang. Program dilaksanakan dengan kerjasama Jabatan Kebajikan Masyarakat (JKM) dalam mengenal pasti belia berisiko yang terdiri daripada mereka dari Sekolah Tunas Bakti serta agensi-agensi di bawah JKM. Program dimulakan dengan projek rintis pada tahun 2018 dengan seramai 12 orang peserta. Pada tahun 2019 seramai 75 orang peserta terlibat mewakili tiga (3) zon.
- (d) Program Karnival *Youth Business Expo* (Ybex) sebagai platform usahawan belia menjalankan hubungan dengan pemain industri korporat dan menambah peluang pekerjaan dan latihan. Karnival ini dilaksanakan di peringkat negeri dengan jumlah penyertaan seramai 30,000 orang peserta secara keseluruhan.
- (e) Bagi memastikan pembangunan belia yang berada dalam bidang keusahawanan, kementerian dengan bidang kuasa yang ada telah merancang satu program khas yang dinamakan “*Skills Training*

At Risk @Youth" atau STAR@U : *My Future Youth Plus*. Program yang dilaksanakan ini bukan sahaja memberi ruang dan peluang kepada lebih ramai belia mendapat kemahiran, ianya juga meningkatkan peluang belia mencebur ke bidang keusahawanan.

Bagi tahun 2019, 70 program *Myfuture Youth Plus* dilaksanakan melibatkan 21 Institusi Latihan Kemahiran Belia dan Sukan (ILKBS). Seramai 727 belia yang berjaya dilatih menerusi program tersebut. Berdasarkan kajian impak yang dijalankan 9.2% telah menjadi usahawan hasil daripada program tersebut.

(f) Kementerian juga turut menerapkan budaya keusahawanan dalam kalangan pelajar ILKBS. Beberapa program telah diadakan di peringkat ILKBS seperti:

- i. Penguatkuasaan silibus baharu Keusahawanan Digital pada sesi 1/2020 menambah baik silibus keusahawanan sedia ada, bertujuan melahirkan graduan berkemahiran bukan sahaja dalam bidang teknikal, malah berpotensi menjadi usahawan yang berdaya saing di era ekonomi digital masa kini; dan
- ii. Penubuhan projek inkubator program keusahawanan di ILKBS bagi melatih pelajar semester akhir mengaplikasikan kemahiran sebelum keluar membangunkan bisnes sendiri.

(g) KBS turut memperkasakan belia dalam sektor ekonomi dan keusahawanan melalui kursus-kursus instruktur kecergasan dan rekreasi secara menyeluruh di peringkat kebangsaan, negeri dan daerah. Instruktur-instruktur terlatih ini dapat menjana pendapatan melalui pelaksanaan aktiviti sukan pada waktu pagi dan petang termasuk pada hari hujung minggu di kawasan rekreasi Pihak Berkuasa Tempatan, taman rekreasi, pejabat dan agensi kerajaan serta kawasan tumpuan ramai. Sepanjang tahun 2019, Kementerian telah menganjurkan Kursus Instruktur Kecergasan Senamrobik,

SOALAN NO : 21

Gimnasium dan Kursus Rekreasi Luar di seluruh negara dengan penyertaan sehingga kini seramai 1301 orang.

(h) Program *MyCorps* merupakan Program Kepimpinan Kesukarelawanan Belia Antarabangsa yang bertujuan untuk membentuk kendiri dan jati diri Belia Malaysia melalui khidmat, sumbangsan serta pengalaman dalam kerja-kerja kesukarelawanan khasnya dengan menyasarkan untuk melahirkan sukarelawan yang berpengetahuan, berkemahiran dan berdaya saing di peringkat global. Dari tahun 2015-Jun 2019, seramai 349 belia telah menyertai lapan misi di negara Kemboja, Timur Tengah, Asia Selatan, Malaysia dan ASEAN.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KETIGA PENGGAL KEDUA,
PARLIMEN KEEMPAT BELAS

PERTANYAAN : LISAN

**DARIPADA : YB TUAN NIK MOHAMAD ABDUH BIN NIK
ABDUL AZIZ [BACHOK]**

TARIKH : 10 OKTOBER 2019

SOALAN

Minta **MENTERI SUMBER MANUSIA** menyatakan mengenai cadangan melanjutkan had umur persaraan dan implikasinya terhadap produktiviti dan pasaran kerja di negara ini.

JAWAPAN

Tuan Yang di-Pertua,

1. Berdasarkan Akta Umur Persaraan Minimum 2012 (Akta 753) yang berkuatkuasa pada 1 Julai 2013 ke atas semua majikan sektor swasta di seluruh Malaysia, menyatakan bahawa umur persaraan minimum seseorang pekerja adalah apabila seseorang pekerja itu mencapai umur 60 tahun. Ini bermakna seseorang pekerja itu boleh terus bekerja walaupun telah melebihi 60 tahun. Oleh itu, tiada keperluan pada masa ini untuk melanjutkan umur persaraan.
2. Kementerian berpandangan sekiranya had umur persaraan dinaikkan, ia akan menjelaskan peluang pekerjaan terutamanya kepada golongan belia di mana seperti yang diketahui ketika ini kadar pengangguran belia di Malaysia ialah 10.9 peratus. Terdapat juga faktor-faktor yang boleh mempengaruhi produktiviti negara sekiranya umur bersara dinaikkan seperti contohnya faktor kesihatan yang boleh menjelaskan keupayaan seseorang itu bekerja dan juga persekitaran kerja yang tidak sesuai bagi individu yang sudah berusia.

SOALAN NO.: 23

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

DARIPADA : TUAN WONG CHEN [SUBANG]

TARIKH : 10 OKTOBER 2019 [KHAMIS]

SOALAN NO.23

Minta **MENTERI AIR, TANAH DAN SUMBER ASLI** menyatakan pendirian Kementerian tentang penanaman, pengembangan dan pemprosesan minyak CBD bagi tujuan perubatan.

SOALAN NO.: 23

JAWAPAN:

Yang di-Pertua,

Untuk makluman Yang Berhormat, *Cannabidiol* (CBD) merupakan ekstrak atau minyak daripada daun, batang dan bunga *hemp* yang boleh diproses menjadi bahan utama dalam pelbagai rantai produk makanan, kosmeseutikal dan perubatan. Walau bagaimanapun, mengikut Akta Dadah Berbahaya 1952, penanaman *Cannabis sativa* atau hemp adalah dilarang dan tidak dibenarkan kecuali untuk tujuan penyelidikan. Sebelum hemp boleh ditanam untuk tujuan industri mahupun perubatan, kajian yang terperinci perlu dilaksanakan terlebih dahulu. Kajian tersebut perlu mengambil kira pelbagai faktor termasuk ekonomi, sosial, dan keselamatan. Bagi mengelakkan sebarang penyalahgunaan hemp yang boleh meningkatkan gejala penagihan dadah, aspek kawalan dan pemantauan dari segi perundangan dan keselamatan perlu diberi perhatian. Kementerian Air, Tanah dan Sumber Asli dengan kerjasama Kementerian Dalam Negeri, Kementerian Kesihatan serta agensi-agensi berkepentingan lain sedang mengkaji potensi penanaman hemp di Malaysia. Kajian tersebut dijangka mengambil masa 2 hingga 3 tahun untuk disiapkan.

Sekian, terima kasih.

**PEMBERITAHUAN PERTANYAAN LISAN
MESYUARAT KEDUA, PENGGAL KETIGA, PARLIMEN KE-14
DEWAN RAKYAT**

PERTANYAAN : LISAN

**DARIPADA : TUAN RAMLI BIN DATO' MOHD NOR
[CAMERON HIGHLANDS]**

TARIKH : 10 OKTOBER 2019

SOALAN

minta **PERDANA MENTERI** menyatakan setelah hampir 6 bulan Konvensyen Orang Asli diadakan, pelan strategik pembangunan masyarakat Orang Asli yang dijanjikan oleh Menteri serta Ketua Pengarah JAKOA masih belum kelihatan dan dinyatakan. Jika sudah, berapakah jumlah peruntukan yang akan dibelanjakan bagi merealisasikan pelan ini.

JAWAPAN

Tuan Yang di-Pertua,

Konvensyen Orang Asli Kebangsaan (KOAK) yang diadakan pada April 2019, telah menghasilkan 137 resolusi. Resolusi ini sedang dalam perincian bagi penyediaan Pelan Pembangunan Nasional Orang Asli (PPNOA) bagi tempoh 2021 hingga 2030. Sehubungan dengan itu beberapa siri libat urus telah dan akan dilakukan bagi perancangan penyediaan PPNOA tersebut.

Antara libat urus yang telah dilaksanakan adalah bersama Badan Bukan Kerajaan (NGOs), Ahli Akademik, Suruhanjaya Hak Asasi Manusia Malaysia (SUHAKAM) dan Majlis Peguam Malaysia. Beberapa siri libat urus yang sedang dirancang adalah bersama Agensi Kerajaan Persekutuan dan Negeri yang berkaitan, badan korporat dan badan antarabangsa seperti Jabatan Ketua Pengarah Tanah & Galian Persekutuan (JKPTG), Kementerian Pendidikan (KPM), Kementerian Hal Ehwal Ekonomi (MEA), Pejabat-Pejabat Tanah Negeri (PTG), Unit Pemodenan Tadbiran dan Perancangan Pengurusan Malaysia (MAMPU) dan *United Nations Development Programme* (UNDP) Malaysia.

Pelan jangka panjang ini akan menjurus kepada matlamat utama iaitu mengatasi kemiskinan tegar dan mengarusperdanakan masyarakat Orang Asli seiring dengan kemajuan rakyat Malaysia serta seiring dengan Wawasan Kemakmuran Bersama 2030. Teras Strategik bagi PPNOA adalah kepada tujuh (7) fokus utama yang melibatkan perkara berkaitan tanah, pendidikan, kesihatan, ekonomi, kepimpinan, infrastruktur dan kebudayaan. Pelan ini akan melibatkan peruntukan dua (2) Rancangan Malaysia bagi tujuan pelaksanaannya iaitu Rancangan Malaysia Ke-12 dan ke-13.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : TUAN YAMANI HAFEZ BIN MUSA [SIPITANG]

TARIKH : 10 OKTOBER 2019 (KHAMIS)

SOALAN

TUAN YAMANI HAFEZ BIN MUSA [SIPITANG] minta **PERDANA MENTERI** menyatakan sejauh mana Kerajaan serius untuk mengecilkan saiz perkhidmatan awam tanpa menjelaskan jentera pentadbiran demi memacu agenda pembangunan negara.

JAWAPAN: **YB TUAN MOHAMED HANIPA BIN MAIDIN**
TIMBALAN MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, jumlah keseluruhan perjawatan perkhidmatan awam pada masa kini adalah sebanyak 1.71 juta dengan pengisian sebanyak 1.57 juta (91.5%) yang merangkumi perkhidmatan awam persekutuan, badan berkanun persekutuan, perkhidmatan awam negeri, badan berkanun negeri dan pihak berkuasa tempatan. Kerajaan berpandangan jumlah perjawatan ini boleh dikurangkan tanpa menjelaskan prestasi penyampaian perkhidmatan supaya selaras dengan sasaran yang ditetapkan di dalam RMKe 11 iaitu mencapai saiz perkhidmatan awam kepada penduduk dengan nisbah 1:20 berbanding 1:19 pada masa sekarang.

NO. SOALAN : 25

Sehubungan itu, Kerajaan dalam proses untuk menstrukturkan semula jumlah perjawatan dalam perkhidmatan awam berdasarkan kedudukan ekonomi negara dan perkembangan teknologi semasa melalui pelbagai kaedah/mekanisme dan langkah antaranya kajian pertindihan fungsi antara jabatan/agensi, rasionalisasi perjawatan, pengoptimuman sumber manusia, serah urus fungsi (*outsourcing*), penyampaian perkhidmatan alternatif (*Alternative Service Delivery*), penswastaan, penggunaan teknologi dan pengisian jawatan secara berhemah mengikut keperluan.

Perjawatan yang dikenal pasti untuk dimansuhkan adalah termasuk jawatan kosong yang tidak diperlukan, jawatan di agensi yang mempunyai pertindihan fungsi dan jawatan bagi perkhidmatan yang boleh diautomasi, diserah urus fungsi (*outsourcing*) serta yang boleh digantikan perkhidmatan alternatif.

Sehubungan itu, Kerajaan menjangkakan ianya tidak akan memberi kesan kepada tugas-tugas sedia ada memandangkan jawatan yang dimansuhkan ini merupakan jawatan yang tidak diperlukan dan tidak melibatkan penyandang sedia ada. Tiada pengurangan kakitangan awam sedia ada dalam pelaksanaan dasar ini. Bagi maksud ini, Kerajaan telah menujuhkan Jawatankuasa Cadangan Rasionalisasi Jabatan/Agensi yang diterajui oleh Kementerian Kewangan Malaysia dan Jabatan Perkhidmatan Awam bagi mengenal pasti pertindanan fungsi antara jabatan/agensi dan mencadangkan jabatan/agensi tersebut dirasionalisasikan termasuk penswastaan.

Kerajaan juga berhasrat untuk mewujudkan lebih banyak peluang pekerjaan di sektor swasta dengan gaji yang lebih lumayan bagi mengurangkan pergantungan rakyat terhadap pekerjaan di sektor awam. Sehubungan itu, melalui konsep penswastaan, fungsi-fungsi tertentu yang dilaksanakan oleh jabatan/agensi kerajaan yang boleh menjana hasil secara konsisten dan berdaya maju adalah berpotensi untuk diswastakan. Melalui penswastaan, keupayaan dan kemampuan untuk menjana pendapatan sendiri dapat dipertingkatkan serta mengurangkan pembiayaan kerajaan terhadap perbelanjaan operasi jabatan/agensi berkenaan.

NO. SOALAN : 25

Dengan perkembangan teknologi terkini, Kerajaan percaya perkhidmatan awam akan lebih produktif apabila pembaziran dihapuskan, pengagihan sumber dilaksanakan dengan cekap dan guna tenaga diganti dengan penggunaan teknologi maklumat serta komputer.

Sektor awam sewajarnya hanya memfokuskan kepada penyediaan dasar utama, menentukan arah dan penyediaan perkhidmatan serta tidak terbabit secara aktif dalam aktiviti ekonomi perdagangan di Malaysia.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : JAWAB LISAN

**DARIPADA : YB TUAN MOHD SHAHAR BIN ABDULLAH
[PAYA BESAR]**

TARIKH : 10 OKTOBER 2019

SOALAN

Minta **MENTERI BELIA DAN SUKAN** menyatakan jumlah perjawatan yang telah diwujudkan dan yang telah ditamatkan perkhidmatan di Kementerian Belia dan Sukan mengikut perincian umur 25 tahun dan ke bawah, 26 hingga 30 tahun, 31 hingga 40 tahun, dan 41 tahun ke atas, dari Mei 2019 hingga kini.

JAWAPAN

Yang di-Pertua,

1. Sehingga kini, KBS telah diperuntukkan sebanyak 4,742 jawatan iaitu 4,222 perjawatan tetap (berdasarkan Waran Perjawatan Bil.S188/2018 dan Surat Kelulusan Perjawatan (SKP) agensi berkaitan), 51 lantikan kontrak (OS11000) dan 469 lantikan kontrak (OS29000). Perincian mengikut 25 tahun ke bawah ialah 146 orang (3.08%), 26 tahun ke 30 tahun ialah 407 orang (8.58%), 31 tahun hingga 40 tahun ialah 2,411 orang (50.84%), manakala 41 tahun ke atas ialah 1,654 orang (34.88%). Tiada perjawatan tetap baharu diwujudkan di KBS sepanjang tahun 2019, manakala seorang pegawai telah ditamatkan perkhidmatan atas tindakan tatatertib pada tahun ini.

Sekian, terima kasih.

PEMBERITAHUAN PERTANYAAN BAGI JAWAPAN LISAN
MESYUARAT KETIGA, PENGGAL KEDUA
PARLIMEN KEEMPAT BELAS DEWAN RAKYAT

PERTANYAAN : LISAN

DARIPADA : DATO' SRI HASAN BIN ARIFIN (ROMPIN)

TARIKH : 10 OKT 2019 (KHAMIS)

SOALAN

DATO' SRI HASAN BIN ARIFIN [ROMPIN] minta **MENTERI INDUSTRI UTAMA** menyatakan berapakah pengeluaran biodiesel pada tahun 2018 dan sehingga Jun 2019.

JAWAPAN

Tuan Yang di-Pertua,

Kerajaan sentiasa komited untuk meningkatkan penggunaan biodiesel di peringkat domestik mahupun antarabangsa. Program biodiesel negara telah mula diperkenalkan pada tahun 2011 dengan kadar adunan B5 (adunan 5% biodiesel sawit dengan 95% diesel petroleum). Pada ketika ini, kadar adunan yang terdapat di stesen minyak di seluruh negara adalah pada kadar B10 (adunan 10% biodiesel sawit dengan 90% diesel petroleum) di bawah Program B10 di sektor pengangkutan. Program B10 ini dilaksanakan secara mandatori pada 1 Februari 2019 akan menggunakan sebanyak 534,000 tan biodiesel setahun.

Manakala, Program B7 di sektor industri telah dilaksanakan buat pertama kali pada 1 Julai 2019 akan menggunakan sebanyak 227,000 tan biodiesel setahun. Susulan Kementerian Industri Utama (MPI) berjaya melaksanakan Program B10 di sektor pengangkutan, MPI berhasrat untuk meningkatkan kadar adunan ini kepada B20 pada tahun 2020 dan B30 seawal tahun 2021. Manakala, Program B7 di sektor industri akan ditingkatkan ke B10 menjelang 2025.

Untuk makluman, pengeluaran biodiesel yang telah direkodkan sepanjang tahun 2018 adalah sebanyak 1,089,964 tan. Manakala jumlah pengeluran biodiesel bagi tempoh Januari hingga Jun 2019 adalah sebanyak 678,229 tan.

Sekian, terima Kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

DARIPADA : TUAN PANG HOK LIONG (LABIS)

TARIKH : 10 OKTOBER 2019

SOALAN

minta **PERDANA MENTERI** menyatakan dana sejumlah RM100 juta disediakan secara khusus pada tahun lepas tertuju khas kepada kesejatheraan kaum India dan untuk memperkasakan dan meningkatkan taraf sosioekonomi mereka. Senaraikan nama-nama penerima dan amoun yang telah dikeluarkan oleh MITRA

JAWAPAN : YB SENATOR TUAN WAYTHA MOORTHY A/L PONNUSAMY, MENTERI DI JABATAN PERDANA MENTERI (UNIT TRANSFORMASI MASYARAKAT INDIA MALAYSIA)

Tuan Yang Di-Pertua,

Di bawah Belanjawan 2019, Unit Transformasi Masyarakat India Malaysia (MITRA) telah diperuntukkan dengan RM100 juta bagi melaksanakan inisiatif-inisiatif yang bertujuan untuk meningkatkan taraf sosioekonomi masyarakat India. Sehubungan itu, pada 28 Januari 2019, MITRA telah melancarkan sistem permohonan geran secara atas talian yang dikenali sebagai Sistem Pengurusan Geran MITRA. Sistem ini dengan berpandukan kepada Manual Pelaksanaan Sistem Pengurusan Geran MITRA yang antaranya melaksanakan proses pemilihan, kelulusan geran, dan pemantauan program secara teratur

serta memastikan penggunaan geran oleh penerima geran adalah diurus dengan lebih telus dan berintegriti.

Sebanyak 413 permohonan telah diterima sehingga 15 Mac 2019 dengan nilai permohonan sebanyak RM375,464,658.00. Daripada 413 permohonan, MITRA telah meluluskan 38 permohonan pada 26 April 2019 dengan nilai kelulusan sebanyak RM14,740,736.00 bagi peruntukan fasa pertama. Manakala bagi fasa kedua, MITRA telah meluluskan sebanyak 61 permohonan pada 26 Jun 2019 dengan nilai kelulusan sebanyak RM16,755,380.00. Senarai nama-nama penerima geran MITRA dan amaun yang telah diluluskan oleh MITRA bagi tahun 2019 adalah dilampirkan.

Pada 06 September 2019 MITRA juga telah meluluskan 62 permohonan bagi fasa ketiga dengan nilai kelulusan sebanyak RM28,901,096.20. Senarai penerima dan jumlah geran akan dimaklumkan dalam masa terdekat setelah Bahagian Pembangunan Jabatan Perdana Menteri meluluskan senarai permohonan bagi fasa ketiga ini.

Baki peruntukan adalah sebanyak RM39,602,787.80 telah dirancang untuk digunakan sepenuhnya bagi pembangunan sosioekonomi masyarakat India Malaysia.

NO	MAKLUMAT PENERIMA	JUMLAH PERUNTUKKAN (RM)
1	SUKSES DINAMIK ENTERPRISE	445,000
2	AMAZING ASIA TRAVEL AGENCY SDN BHD	130,000
3	INTELLIZE TECH SERVICES SDN BHD	700,000
4	PERSATUAN MASYARAKAT SETIA JUJUR SKUDAI, JOHOR	138,600
5	KOPERASI PELANCONGAN KUALA LUMPUR BERHAD	102,250
6	ASAASCOM ENGINEERING SDN BHD	806,500
7	DAYATECH ACADEMY SDN BHD	999,750
8	YWCA KUALA LUMPUR	176,400

NO. SOALAN : 28

9	PERSATUAN PERGUDANGAN DAN PENGANGKUTAN SELANGOR	120,250
10	YRF TRAINING & CONSULTANCY	140,000
11	PERSATUAN KEBAJIKAN BERSATU JAYA JOHOR BAHRU,JOHOR	487,440
12	SELANGOR RETAIL AND SUPPLY CHAIN INDUSTRY ASSOCIATION	120,250
13	MALAYSIAN ALLIED HEALTH SCIENCES ACADEMY SDN BHD	395,800
14	PERSATUAN PENDIDIKAN INOVASI NEGERI SELANGOR	680,000
15	ATC ACADEMY SDN BHD	840,000
16	SILICON TECHNOLOGY CENTRE SDN. BHD	433,000
17	KMM SAFETY SUCCESS SERVICES	640,000
18	PERSATUAN PEMBANGUNAN PENDIDIKAN DAN SOSIAL DINAMIK INDIA SELANGOR	120,000
19	SANJULAA ANGEL BRIDAL	106,000
20	SKILLNET TRAINING CENTRE SDN.BHD	215,000
21	AUTO PRIMA TECHNOLOGY TRAINING SDN.BHD.	700,000
22	PERSATUAN SISWAZAH INDIA NEGERI SEMBILAN	300,000
23	PERTUBUHAN PENGANUT VETHATHIRI SKY MANAVALAKALAI MALAYSIA	136,700
24	THE TRUSTEES OF SANATHANA DHARMA FOUNDATION REGISTERED	168,250
25	PERTUBUHAN SHRI SAI VIDYALAYA MALAYSIA	141,660
26	PERSATUAN KEBAJIKAN ANGKATAN GEMILANG NASIONAL INDIA (AGNI)	341,460
27	ASPAC ACADEMY SDN BHD	255,000
28	PERSATUAN KEMAJUAN INDIA MUSLIM MALAYSIA	24,080
29	YAYASAN KOREKSIONAL MALAYSIA	896,260

NO. SOALAN : 28

30	PERTUBUHAN GINOVASI MASYARAKAT SELANGOR	226,175
31	HANDAL ASIA PACIFIC SDN BHD	237,750
32	SEGI COLLEGE SUBANG JAYA	50,000
33	PERTUBUHAN SEMPURNA (SAMPURNA) MALAYSIA	302,148
34	PERTUBUHAN SENI KEHIDUPAN UTARA	246,853
35	PERSATUAN BRAHMA KUMARIS MALAYSIA	556,490
36	PERTUBUHAN KEBAJIKAN SNEHAM MALAYSIA	40,745
37	PERTUBUHAN ILAYA THALAIMURAI KL & SELANGOR	234,563
38	PRASEKOLAH 2019	2,086,362
TOTAL		14,740,736.00

MAKLUMAT PENERIMA		JUMLAH PERUNTUKAN (RM)
1	SHAH EDUCATIONAL SYSTEMS SDN. BHD.	RM 600,000.00
2	PERTUBUHAN RANGKAIAN PERNIAGAAN INDIA MALAYSIA	RM 519,000.00
3	OPENPATH EDUCATION SDN. BHD.	RM 256,400.00
4	KOPERASI PEMBANGUNAN PENDIDIKAN BERHAD	RM 438,000.00
5	LUMINOUS SYSTEMS SDN. BHD.	RM 613,000.00
6	SPA VOLUNTEER (SPAVOL)	RM 200,000.00
7	DRONE SIFU PRODUCTIONS SDN. BHD.	RM 212,500.00
8	GLOBAL STRATEGIC PARTNERS SDN. BHD.	RM 300,000.00
9	PERTUBUHAN KEBAJIKAN DINAMIK KOTA DAMANSARA SELANGOR	RM 80,000.00
10	PERTUBUHAN MAGIK MATEMATIK	RM 202,200.00
11	EFFINGHAM CENTRE OF TECHNOLOGY	RM 690,000.00
12	PUSAT KEMAHIRAN MASTURA (M) SDN. BHD	RM 750,000.00
13	NEURO NETWORK AUSTRALIA DAN MALAYSIA	RM 102,000.00
14	PERTUBUHAN BELIA HINDU CAWANGAN TELUK KEMANG	RM 214,700.00

15	RDVN ENGINEERING SERVICES	RM	311,500.00
16	PUSAT TUISYEN BERLIAN BAKTI	RM	86,300.00
17	ORIGIN SKILLS DEVELOPMENT	RM	290,000.00
18	TRIMATRA EASY TRAINING	RM	154,600.00
19	THE TUN HUSSEIN ONN NATIONAL EYE HOSPITAL	RM	435,000.00
20	ASSOCIATION OF SCIENCE TECHNOLOGY AND INNOVATION	RM	258,400.00
21	SELANGOR HUMAN RESOURCES DEVELOPMENT CENTRE	RM	132,750.00
22	BESTSKILL ACADEMY (M) SDN BHD	RM	262,000.00
23	PUBLIC REJUVENATION SOCIETY	RM	183,060.00
24	KOLEJ SPECTRUM	RM	620,000.00
25	ASIA DRONE IOT TECHNOLOGIES SDN. BHD	RM	330,000.00
26	FLYWAYS TRAINERS AND CONSULTANTS	RM	535,000.00
27	PERSATUAN PEMBANGUNAN PENDIDIKAN MASYARAKAT INDIA SELANGOR	RM	150,000.00
28	KOLEJ WIT	RM	750,000.00
29	ASIA PACIFIC UNIVERSITY SDN BHD	RM	93,450.00
30	SENTUL ACHIEVERS LEARNING CENTRE	RM	117,750.00
31	MEDALLION SKILL ACADEMY	RM	362,500.00
32	HUMMINGSOFT SDN BHD	RM	589,000.00
33	PERTUBUHAN IMPACT MALAYSIA	RM	108,000.00
34	PERSATUAN PEMBANGUNAN MASYARAKAT SABAI (PPMS)	RM	101,800.00
35	NEGERI SEMBILAN SIKH UNION	RM	26,860.00
36	PERTUBUHAN PENGANUT PARAMPORUL MALAYSIA	RM	32,500.00
37	GABUNGAN PERSATUAN-PERSATUAN PENGANUT AGAMA SAIVA MALAYSIA	RM	302,750.00
38	KUIL SRI SUBRAMANIAS TANGKAK, JOHOR	RM	49,375.00
39	PERSATUAN PEMUZIK URUMEE MELAM MALAYSIA	RM	161,600.00
40	OTPAM IT HUB	RM	366,440.00
41	PERSATUAN PENGANUT AGAMA SRI MAHA MARIAMMAN LADANG SEROM, TANGKAK, JOHOR	RM	14,025.00

NO. SOALAN : 28

42	PERSATUAN PENGANUT HINDU SUGAM SAMSKHAARAA MALAYSIA	RM	53,250.00
43	PERSATUAN PENJAWAT AWAM KAUM INDIA PUTRAJAYA CYBERJAYA	RM	50,000.00
44	PERSATUAN PENCINTA SENI GEMAS	RM	108,172.00
45	PERSATUAN SINGHS DAN KAURS MALAYSIA	RM	84,802.00
46	PERTUBUHAN ANTI JENAYAH BERSATU MALAYSIA	RM	468,700.00
47	KELAB PEMINAT SIVAJI RAO MALAYSIA (MSRFC)	RM	117,130.00
48	UNITED MALAYSIAN HINDU VOICE	RM	106,711.00
49	PERSATUAN KOMUNITI INDIA SERENDAH 2016	RM	121,644.00
50	INDEPENDENT LIVING & TRAINING CENTRE MALAYSIA	RM	432,087.00
51	PERTUBUHAN ATHMA SAKTHI INDIA MALAYSIA	RM	619,774.00
52	PERTUBUHAN KEBAJIKAN & TRANSFORMASI SOSIAL SELANGOR DARUL EHSAN	RM	237,075.00
53	PERSATUAN PERLINDUNGAN KELUARGA NADIR NEGERI SEMBILAN	RM	37,878.00
54	PERSATUAN EZHUVOAM MALAYSIA	RM	165,135.00
55	PERTUBUHAN TAMILAVEL KO SARANGBANI PULAU PINANG	RM	34,575.00
56	PERSATUAN MASYARAKAT PUJIAN MALAYSIA	RM	75,733.00
57	SOLIS INTERNATIONAL ACADEMY	RM	396,485.00
58	PERSATUAN KEBAJIKAN SIVA SAKTHI SAMAJ 2017	RM	281,166.00
59	PERTUBUHAN WARISAN AMARA	RM	391,353.00
60	UNIVERSITY OF MALAYA CENTRE FOR CONTINUING EDUCATION	RM	951,250.00
61	PERTUBUHAN KRISTIAN PAROUSIA SEMINAR ANTARABANGSA MALAYSIA	RM	20,000.00
TOTAL		RM	16,755,380.00

Sekian, terima kasih.

PEMBERITAHUAN PERTANYAAN BAGI JAWAPAN LISAN
MESYUARAT KETIGA, PENGGAL KEDUA
PARLIMEN KEEMPAT BELAS DEWAN RAKYAT

**PERTANYAAN : PERTANYAAN-PERTANYAAN JAWAB
LISAN**

DARIPADA : DATO' SERI DR. SHAHIDAN BIN KASSIM [ARAU]

TARIKH : 10 OKTOBER 2019

SOALAN

DATO' SERI DR. SHAHIDAN BIN KASSIM [ARAU] minta **MENTERI INDUSTRI UTAMA** menyatakan apakah pihak Kerajaan bercadang untuk meningkatkan pengeluaran getah seperti membina jalan raya menggunakan getah di seluruh Malaysia. Ini kerana terdapat uji kaji penggunaan getah untuk membina jalan raya telah pun disahkan dan mantap.

JAWAPAN:

Tuan Yang Di-Pertua,

Kerajaan amat prihatin dan akan terus komited memastikan harga pasaran getah dapat distabilkan dengan meningkatkan penggunaan getah domestik. Sehubungan itu, Kerajaan telah memperuntukkan sebanyak RM100 juta pada tahun ini bagi pembinaan dan penyelenggaraan jalan raya berdasarkan getah daripada *cuplump modified bitumen* (CMB). Projek ini sedang dilaksanakan oleh pihak JKR dan dipantau oleh pihak LGM. Untuk makluman Tuan Yang Di-Pertua, projek ini akan merangkumi sepanjang 202 km dengan anggaran penggunaan getah sebanyak 450MT-500MT di seluruh Malaysia. Oleh demikian, projek ini dapat meningkatkan penggunaan getah domestik dan memberi impak kepada harga getah dengan mengurangkan stok antarabangsa dalam jangka masa panjang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS (2019)**

PERTANYAAN : LISAN

DARIPADA : DATO' SRI HAJI TAJUDDIN BIN ABDUL RAHMAN [PASIR SALAK]

TARIKH : 10 OKTOBER 2019 (SELASA)

SOALAN

Minta **PERDANA MENTERI** menyatakan sebab-sebab mengapa syarahan dan kuliah-kuliah yang dianggap berunsur politik tidak dibenarkan diadakan di masjid-masjid.

**JAWAPAN : (YB DATUK SERI DR. MUJAHID BIN YUSOF,
MENTERI DI JABATAN PERDANA MENTERI)**

Tuan Yang Dipertua,

1. Untuk makluman Yang Berhormat, masjid adalah merupakan tempat ibadah umat Islam. Kesuciannya sebagai sebagai rumah Allah perlu sentiasa dijaga. Peranannya sebagai tempat untuk mengeratkan hubungan perlu dilestarikan pada setiap masa. Sebagai nadi sosial, masjid sewajarnya bebas daripada sebarang unsur yang boleh membawa kepada perpecahan bahkan perlu mengajak masyarakat saling menghormati antara satu sama lain walau dalam perbezaan dan kepelbagaian fahaman.

2. Kerajaan mengambil perhatian terhadap keharmonian dan kemakmuran masyarakat dan negara serta sentiasa berusaha untuk memastikan perpaduan ini terpelihara daripada diganggu-gugat, sama ada dari anasir luar, lebih-lebih lagi sesama rakyat negara ini. Justeru,

ceramah atau kuliah berbaur politik yang berpotensi mengundang perselisihan sama sekali dielakkan daripada berkumandang di dalam rumah Allah yang suci ini. Setiap individu yang mahu menyampaikan ceramah atau syarahan di mana-mana masjid dalam negara ini perlu mempunyai tauliah yang diperakukan oleh pihak berkuasa agama negeri-negeri sebagai langkah kawalan daripada penyalahgunaan institusi masjid.

3. Masjid juga merupakan entiti yang berada di bawah kuasa enakmen dan akta negeri-negeri, yang secara langsung berada di bawah kuasa Raja-raja dan Sultan. Entiti ini perlu kekal tidak berpihak, supaya sentiasa menjadi gelanggang yang menyatukan masyarakat.

Tuan Yang Dipertua,

4. Masjid adalah zon ramah, aman, hormat, mesra, alami dan harmoni (RAHMAH) yang menjadi asas ke arah pembinaan masyarakat rahmah selaras dengan falsafah Perlembagaan Persekutuan. Inilah juga gagasan baru kerajaan untuk mengembalikan peranan masjid sebagai zon aman dari segala pertelingkahan, cemuh mencemuh dan sebagainya.

5. Di samping itu, masyarakat di negara ini boleh mengakses sekian banyak maklumat politik walaupun tidak dinyatakan dalam masjid atau surau, yang menjadi pusat ibadah ritual umat Islam yang sangat dihormati.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : DR. AZMAN BIN ISMAIL [KUALA KEDAH]

TARIKH : 10 OKTOBER 2019 (KHAMIS)

SOALAN

DR. AZMAN BIN ISMAIL [KUALA KEDAH] minta **PERDANA MENTERI** menyatakan jumlah anggota Perkhidmatan Awam yang telah dipecat sejak Mei 2018. Mohon diberikan sebab-sebab pemecatan.

**JAWAPAN: YB TUAN MOHAMED HANIPA BIN MAIDIN
TIMBALAN MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, bagi tempoh 1 Januari 2018 sehingga 1 Jun 2019, seramai **2,263 orang** telah ditamatkan perkhidmatan mereka. Ini adalah kerana melakukan kesalahan tatakelakuan/tatatertib dan berprestasi rendah (*exit policy*) serta tamat kontrak perkhidmatan disebabkan oleh pembubaran agensi dan tiada keperluan untuk meneruskan kontrak berkenaan berdasarkan tugas pegawai yang bersifat politik setelah pilihanraya. Perincian penamatan berkenaan adalah seperti berikut:

Perkara	Tahun 2018	Tahun 2019
<i>Exit Policy</i> (berprestasi rendah)	0	4
Buang Kerja (Tatatertib)	691	188 (Jun 2019)
Penamatan Kontrak (<i>Contract of Service</i>)		1,384 (Mei 2018 – kini)
JUMLAH (1 Januari 2018 sehingga 1 Jun 2019)		2,263 pegawai

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : TUAN JONATHAN YASIN [RANAU]

TARIKH : 10 OKTOBER 2019 (KHAMIS)

SOALAN

Minta **MENTERI HAL EHWAL EKONOMI** menyatakan berapakah jumlah peruntukan pembangunan yang disalurkan oleh Kerajaan Persekutuan masing-masing mengikut wilayah iaitu Sabah, Sarawak dan Semenanjung sejak tahun 1967 hingga 2018 mengikut tahun dan Rancangan Malaysia. Berikan perincian.

JAWAPAN

Tuan Yang di-Pertua,

1. Sepertimana ahli Yang Berhormat sedia maklum, Kerajaan sentiasa memberi perhatian kepada kemakmuran rakyat di seluruh negara termasuk Sabah dan Sarawak. Kerajaan juga sentiasa memastikan kesejahteraan rakyat terus menjadi keutamaan bagi meningkatkan taraf hidup rakyat.

2. Kerajaan pada setiap tahun menyediakan peruntukan pembangunan dan bagi tempoh sebelas Rancangan Malaysia dari tahun 1966 hingga 2018, sebanyak RM464.8 bilion telah diperuntukkan untuk Semenanjung, RM71.65 bilion untuk Sabah dan RM61.9 bilion untuk Sarawak.

3. Khusus bagi negeri Sabah, Kerajaan Persekutuan telah mengagihkan peruntukan kepada Jabatan-Jabatan dan agensi Persekutuan di Sabah melalui Kementerian yang telah dikenalpasti daripada RMKe-8 hingga RMKe-11 antaranya seperti Jabatan Pengairan dan Saliran Sabah, Jabatan Perhutanan Sabah, Jabatan Laut Sabah, Jabatan Air Negeri Sabah, Jabatan Kerja Raya Sabah, Jabatan Kesihatan Sabah, Jabatan Pelajaran Sabah, Perbadanan Kemajuan Ekonomi Negeri Sabah (SEDCO) dan Eastern Sabah Security Command (ESSCOM).
4. Peruntukan pembangunan yang disediakan ini bagi melaksanakan projek yang memberikan manfaat terus kepada rakyat di seluruh negara terutamanya projek-projek yang bersifat mesra rakyat dan berimpak tinggi seperti jalan raya, jambatan, bekalan air, bekalan elektrik, keselamatan, kesihatan, sekolah dan sebagainya.
5. Peruntukan yang diluluskan bagi negeri Sabah pada Rancangan Malaysia Pertama adalah hanya RM374 juta sahaja, dan jumlah ini telah meningkat setiap Rancangan Malaysia dengan jumlah terkini bagi Rancangan Malaysia Ke-Sebelas, peruntukan diluluskan adalah berjumlah RM13.14 bilion.
6. Pertambahan peruntukan pembangunan ini antara lain, adalah selaras dengan aspirasi negara bagi mencapai tahap ekonomi yang lebih kukuh dengan nilai tambah yang lebih tinggi di samping memberikan tumpuan kepada pembangunan sosioekonomi dan meningkatkan kualiti hidup rakyat.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KETIGA PENGGAL KEDUA,
PARLIMEN KEEMPAT BELAS

PERTANYAAN : LISAN

**DARIPADA : YB DATO' SERI HISHAMMUDDIN BIN TUN
HUSSEIN [SEMBRONG]**

TARIKH : 10 OKTOBER 2019

SOALAN

Minta **MENTERI SUMBER MANUSIA** menyatakan unjuran peratusan pengangguran sekiranya Kerajaan mengambil langkah pengecilan saiz perkhidmatan awam dengan pengurangan 5% berdasarkan Persidangan Pengurusan Sumber Manusia Sektor Awam 2019 dan juga menerima cadangan daripada Kongres Kesatuan Sekerja Malaysia (MTUC) untuk menaikkan umur persaraan kepada 65 tahun.

JAWAPAN

Tuan Yang di-Pertua,

1. Berdasarkan Akta Umur Persaraan Minimum 2012 (Akta 753) yang berkuatkuasa pada 1 Julai 2013 ke atas semua majikan di seluruh Malaysia, menyatakan bahawa umur persaraan minimum seseorang pekerja adalah apabila seseorang pekerja itu mencapai umur 60 tahun. Ini bermakna seseorang pekerja itu masih boleh terus bekerja walaupun telah melebihi 60 tahun dan juga bergantung kepada tawaran pekerjaan oleh majikan. Oleh itu, memandangkan Akta 753 menetapkan umur persaraan minimum, maka tiada

SOALAN NO : 33

keperluan pada masa ini untuk meningkatkan umur persaraan kepada 65 tahun.

2. Cadangan meningkatkan had umur persaraan merupakan cadangan daripada Kongres Kesatuan Sekerja Malaysia (MTUC) dan Kerajaan telah pun membuat keputusan bahawa had umur persaraan adalah kekal pada umur 60 tahun kepada sektor awam dan umur persaraan minimum bagi sektor swasta juga kekal pada 60 tahun.
3. Sekiranya had umur persaraan dinaikkan ke 65 tahun, berkemungkinan ia akan menjelaskan peluang pekerjaan terutamanya kepada golongan belia di mana seperti yang diketahui ketika ini kadar pengangguran belia di Malaysia ialah 10.9 peratus. Terdapat juga faktor-faktor yang boleh mempengaruhi produktiviti negara sekiranya umur bersara dinaikkan kepada 65 tahun, contohnya faktor-faktor kesihatan yang boleh menjelaskan keupayaan seseorang itu bekerja dan juga persekitaran kerja yang tidak sesuai bagi individu yang sudah berusia.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : YB DATUK DR JEFFREY GAPARI KITINGAN
[KENINGAU]**

TARIKH : 10 OKTOBER 2019 (KHAMIS)

SOALAN

Minta **MENTERI HAL EHWAL EKONOMI** menyatakan:-

- (a) apakan pendirian rasmi Kerajaan mengenai pandangan wakil Pertubuhan Bangsa-Bangsa Bersatu (PBB) bahawa RM980 sekeluarga sebulan sebagai garis kadar miskin adalah terlalu rendah dan jumlah kemiskinan di Malaysia adalah jauh lebih tinggi daripada statistik Kerajaan; dan
- (b) apakah langkah-langkah khas yang akan diambil oleh Kerajaan untuk membasmi kemiskinan di Sabah yang merupakan negeri kadar dengan kemiskinan tertinggi dalam negara.

JAWAPAN

Yang di-Pertua,

1. Sepertimana Ahli Yang Berhormat ambil maklum, YAB Perdana Menteri telahpun menyatakan pendirian Kerajaan berkenaan pandangan Pelapor Khas Pertubuhan Bangsa-bangsa Bersatu (PBB) Berhubung Kemiskinan Tegar dan Hak Asasi Manusia dalam sidang Dewan yang mulia ini pada 7 Oktober 2019 yang lalu.

2. Kerajaan sentiasa komited untuk terus membasmi kemiskinan serta merapatkan jurang di antara etnik, kelas pendapatan dan wilayah. Kajian Separuh Penggal Rancangan Malaysia Kesebelas, (KSP RMKe-11), memberi keutamaan khusus kepada dasar inisiatif dan strategi untuk meningkatkan pendapatan isi rumah berpendapatan 40 peratus terendah (B40) terutamanya isi rumah miskin dan berpendapatan rendah di seluruh negara. Ini dilaksanakan melalui pemberian bantuan bagi membantu isi rumah melaksanakan pelbagai program dan inisiatif bagi meningkatkan pendapatan dan kuasa beli mereka.
3. Antara langkah khusus Kerajaan untuk memperkasa kumpulan minoriti Anak Negeri Sabah terutamanya yang tinggal di kawasan pedalaman adalah inisiatif meningkatkan pendidikan, kemahiran dan keusahawanan bagi menangani kemiskinan berikutan akses yang terhad kepada peluang dan kemudahan asas.
4. Sehubungan itu, selaras dengan Kajian Separuh Penggal Rancangan Malaysia Kesebelas (KSP RMKe-11), Tonggak II: Memperkuuh Pembangunan Inklusif dan Kesejahteraan Rakyat, beberapa inisiatif dilaksanakan untuk meningkatkan taraf hidup Anak Negeri Sabah seperti berikut:
- I. Mempertingkat pengambilan pelajar berpotensi untuk **kemasukan ke sekolah berprestasi tinggi dan institut latihan**;
 - II. **Memupuk keusahawanan** dengan memberi fokus terhadap program kemahiran keusahawanan berdasarkan bakat intrinsik kumpulan sasar dan dilengkapi dengan bantuan seperti kemudahan pembiayaan serta pembungkusan dan pemasaran produk; dan
 - III. Mempercepat **proses pemberian hak milik tanah** bagi membolehkan tanah tersebut dimanfaatkan untuk aktiviti ekonomi

5. Di samping itu, usaha untuk mengurangkan ketidakseimbangan antara wilayah dan negeri telah diberi penekanan khusus KSP RMKe-11 iaitu di bawah Tonggak III: Menuju ke Arah Pembangunan Wilayah yang Seimbang. Selaras dengan hasrat tersebut, Kerajaan akan memberi keutamaan kepada enam negeri yang kurang membangun di dalam mengagihkan peruntukan pembangunan bagi tempoh dua tahun terakhir RMKe-11 termasuklah negeri Sabah.
6. Sehubungan itu, akses kepada kemudahan asas dan perkhidmatan di kawasan luar bandar Sabah adalah menjadi salah satu tumpuan utama Kerajaan. Dalam hal ini, sebanyak RM654 juta telah diluluskan di bawah peruntukan RP4 (2019) untuk pembangunan luar bandar Sabah. Jumlah peruntukan ini telah meningkat 35.9%, iaitu sebanyak RM173 juta daripada tahun sebelumnya (RM481 juta pada 2018). Peruntukan ini adalah untuk melaksanakan program/projek seperti Jalan Luar Bandar, Bekalan Air Luar Bandar, Bekalan Elektrik Luar Bandar dan Jalan Perhubungan Desa melalui Kementerian Pembangunan Luar Bandar.
7. Segala usaha ini dijangka dalam masa panjang akan dapat memastikan tiada kumpulan isi rumah serta wilayah yang ketinggalan dan setiap rakyat dapat menikmati kemakmuran negara sejajar dengan Wawasan Kemakmuran Bersama 2030.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : YB DATUK SERI IR. DR. WEE KA SIONG
[AYER HITAM]**

TARIKH : 10 OKTOBER 2019 (KHAMIS)

SOALAN NO. 36

Minta **MENTERI HAL EHWAL EKONOMI** menyatakan apakah rasional dan justifikasi untuk Kerajaan menjual kepentingan Malaysia Airlines (MAS) untuk diambil alih oleh syarikat asing, bagaimanakah Kerajaan memastikan ianya kekal sebagai sebuah syarikat penerbangan nasional yang menjadi kebanggaan negara dan apakah jaminan Kerajaan terhadap kepentingan kebajikan para pekerja MAS.

JAWAPAN

Tuan Yang di-Pertua,

1. Kerajaan, menerusi Khazanah Nasional Berhad (Khazanah), selaku pemegang saham tunggal Malaysia Airlines Berhad (MAB) sedar akan kepentingan serta sumbangan syarikat penerbangan kebangsaan ini kepada negara, baik dari segi penjenamaan Malaysia, manfaat ekonomi yang dibawanya menerusi perdagangan dan pelancongan, serta penyediaan pekerjaan dan peluang perniagaan kepada rakyat tempatan.
2. Sehubungan itu, Khazanah kini berkerjasama rapat dengan Malaysia Aviation Group Berhad (MAGB) untuk menilai semula strateginya serta pelbagai pilihan strategik yang ada padanya bagi memastikan kelangsungan jangka panjang MAB, termasuk pilihan untuk menjalinkan kerjasama dengan syarikat penerbangan asing.

3. Kerajaan komited untuk mencari penyelesaian yang terbaik untuk memulihkan kembali MAB. Dalam hal ini, jenama "Malaysia" dan juga kepentingan kebajikan warga kerjanya adalah antara pertimbangan utama dalam penyelesaian yang bakal dicadangkan bagi MAB kelak.
4. Sementara menantikan keputusan muktamad mengenai hala tuju dan perancangan bagi MAB diputuskan, syarikat penerbangan negara ini juga kini terus beroperasi seperti biasa (*business as usual*) sambil giat meningkatkan usaha untuk memperbaiki kualiti perkhidmatan bagi memastikan pengalaman pelanggannya tidak terjejas dan terus dipertingkatkan, selain mengawal kerugian yang dialaminya.
5. Akhirnya, keputusan yang bakal dibuat oleh Kerajaan berkaitan masa depan MAB merupakan suatu keputusan polisi Kerajaan yang seharusnya mengambil kira kepentingan semua pihak termasuk pemegang saham, MAGB, para pekerjanya dan seterusnya rakyat Malaysia.

Sekian, terima kasih.

**PEMBERITAHUAN PERTANYAAN
MESYUARAT KETIGA, PENGGAL KEDUA
PARLIMEN KEEMPAT BELAS DEWAN RAKYAT**

PERTANYAAN : LISAN

**DARIPADA : DATUK SERI PANGLIMA DR. MAXIMUS
JOHNITY ONGKILI [KOTA MARUDU]**

TARIKH : 10 OKTOBER 2019 (KHAMIS)

SOALAN

Minta **PERDANA MENTERI** menyatakan setakat manakah matlamat-matlamat Wawasan 2020 telah tercapai untuk menjadikan Malaysia sebuah negara maju dan adakah Kerajaan bercadang meneruskan cita-cita wawasan ini atau mengorbankannya (*abandon*) semata-mata.

JAWAPAN: **YB DATUK LIEW VUI KEONG**
MENTERI DI JABATAN PERDANA MENTERI

Yang Di-Pertua,

1. Kerajaan menjangkakan matlamat mencapai status negara maju menjelang tahun 2020 seperti yang digariskan dalam Wawasan 2020 hanya dapat dicapai dalam satu jangka beberapa tahun lagi bergantung kepada pengamalan dasar yang betul. Kelewatian ini berpunca daripada pelaksanaan dasar oleh Kerajaan sebelum ini yang tidak seiring dengan usaha mencapai aspirasi Wawasan 2020 tersebut.

2. Dalam konteks ini, Kerajaan akan terus melakukan beberapa perubahan dasar, strategi dan cara pelaksanaan untuk memenuhi harapan rakyat, membina semula serta mengembalikan kegemilangan negara. Antara lain, Kerajaan telah pun melancarkan “Dasar Pembangunan Luar Bandar (DPLB)”, di mana ia telah merumuskan wawasan “Luar Bandar Yang Sejahtera, Inklusif, Mampan dan Holistik”

NO. SOALAN : 36

sebagai agenda utama dalam proses pembangunan luar bandar di Malaysia menjelang tahun 2030.

3. Yang terkini, Kerajaan telah memperkenalkan Wawasan Kemakmuran Bersama. Wawasan Kemakmuran Bersama ini merupakan panduan penetapan dasar, strategi dan inisiatif rancangan pembangunan jangka masa pendek, sederhana dan panjang negara. Matlamat akhir segala usaha Kerajaan ini adalah untuk memastikan seluruh rakyat Malaysia tanpa mengira kaum mengecapi taraf hidup wajar atau “*decent standard of living*” menjelang tahun 2030.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : YB DATUK AARON AGO DAGANG[KANOWIT]

TARIKH : 10 OKTOBER 2019 (KHAMIS)

SOALAN

Minta **MENTERI HAL EHWAL EKONOMI** menyatakan apakah pandangan Kerajaan terhadap isu kemiskinan di Malaysia terutamanya dari segi indeks dan peratusannya yang mencerminkan keadaan sebenar kemiskinan dan tahap hidup rakyat kita di Malaysia.

JAWAPAN

Tuan Yang di-Pertua,

1. Sepertimana Ahli Yang Berhormat ambil maklum, YAB Perdana Menteri telahpun menyatakan pendirian Kerajaan berkenaan pandangan Pelapor Khas Pertubuhan Bangsa-bangsa Bersatu (PBB) Berhubung Kemiskinan Tegar dan Hak Asasi Manusia dalam sidang Dewan yang mulia ini pada 7 Oktober 2019 yang lalu.

2. Kerajaan maklum akan usaha dan mandat Pelapor Khas Pertubuhan Bangsa-bangsa Bersatu Berkenaan Kemiskinan Tegar dan Hak Asasi Manusia (Pelapor Khas PBB) dalam melaporkan keadaan kemiskinan dan hak asasi serta cadangan dasar bagi menambah baik kemiskinan di Malaysia namun perlu dijelaskan di sini bahawa kadar kemiskinan rasmi di Malaysia dikira berdasarkan cerapan data Tinjauan Pendapatan Isi Rumah (HIS – Household Income Survey). Ia dilakukan mengikut piawaian amalan antarabangsa yang diselenggara oleh Bahagian Statistik PBB (UNSD – United Nation Statistic Division).

3. Sehubungan itu, perangkaan kemiskinan daripada HIS masih relevan dan boleh dipercayai pada peringkat penilaian makro. Namun, pada peringkat yang lebih mikro seperti negeri atau daerah, perangkaan HIS perlu diguna secara berhati-hati kerana ia tidak menggambarkan corak penggunaan, keperluan serta demografi sebenar isi rumah berikutan ralat persampelan yang tidak boleh dielakkan.
4. Dalam Kajian Separuh Penggal Rancangan Malaysia Ke-11, Kerajaan telah memperkenalkan Indeks Kemiskinan Pelbagai Dimensi (*MPI – Multi-Dimensional Poverty Index*). Ia sebagai pelengkap kepada PGK untuk mengukur dan memantau kemiskinan dalam perspektif pelbagai dimensi yang merangkumi kesihatan, pendidikan, pendapatan dan taraf hidup. MPI ini dilihat lebih inklusif selaras dengan amalan antarabangsa.
5. Kerajaan bersedia untuk menyemak semula PGK ini bagi memberi gambaran sebenar isu kemiskinan di Malaysia. Namun apa yang lebih penting adalah usaha-usaha pembasmian kemiskinan dilaksanakan secara berterusan dan efektif.
6. Antara usaha yang telah dan sedang dilaksanakan oleh Kerajaan ialah dengan mengemaskini dan menambah baik sistem eKasih yang menjadi pangkalan data kemiskinan nasional. eKasih akan turut mengambil kira bilangan ahli dan keperluan isi rumah supaya pemberian bantuan menepati keperluan dan kumpulan sasar. Mekanisme pengumpulan data dan formulasi strategi juga akan ditambah baik dengan memanfaatkan perkembangan teknologi terkini.
7. Strategi utama Kerajaan dalam membasi kemiskinan adalah melalui usaha meningkatkan pendapatan dan kuasa beli rakyat terutamanya dalam kalangan isi rumah miskin dan berpendapatan rendah. Antara bantuan kepada kumpulan sasar ini termasuklah Bantuan Sara Hidup, kemudahan pemilikan perumahan, akses kepada pendidikan dan kesihatan yang berkualiti. Usaha-usaha ini akan dapat memastikan setiap isi rumah diberi perhatian sewajarnya sejajar dengan konsep pembangunan inklusif Wawasan Kemakmuran Bersama 2030.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : DATUK SERI SARAVANAN A/L MURUGAN
(TAPAH)**

TARIKH : 10 OCTOBER 2019 (RABU)

SOALAN

minta **PERDANA MENTERI** menyatakan mekanisme Kerajaan Pakatan Harapan dalam menguruskan perpaduan kaum yang dilihat semakin pincang serta menyebabkan banyak perpecahan kaum yang berlaku sehingga boleh mengganggu gugat keharmonian yang telah dipelihara selama ini.

JAWAPAN : YB SENATOR TUAN WAYTHA MOORTHY A/L PONNUSAMY, MENTERI DI JABATAN PERDANA MENTERI (PERPADUAN NEGARA DAN KESEJAHTERAAN SOSIAL)

Yang di-Pertua,

Kesatuan dan perpaduan rakyat adalah kepentingan bersama yang mesti dipelihara bersama dalam apa juga situasi yang muncul dan berkembang. Masa depan Malaysia sebagai sebuah negara bangsa yang berjaya bergantung sepenuhnya pada keupayaan masyarakatnya berfikiran terbuka, bersikap saling menghormati dan bersatu padu secara harmoni mendepani cabaran baru kehidupan.

Pelbagai inisiatif untuk mengukuhkan perpaduan nasional melalui perancangan Kerajaan telah dilaksanakan secara berterusan melalui

Jabatan Perpaduan Negara dan Integrasi Nasional (PERPADUAN). Jabatan PERPADUAN telah, sedang dan akan meneruskan pelbagai usaha bagi memperkuatkan perpaduan dalam kalangan masyarakat Malaysia menggunakan pendekatan mendamping dan mendidik (*engage and educate*) melalui pelbagai program dan mekanisme seperti berikut:

- (i) Menubuhkan Majlis Perundingan Keharmonian Rakyat (MPKR) bagi memperkuatkan perpaduan dan integrasi nasional. Langkah penubuhan MPKR bertujuan mempromosikan Malaysia di peringkat global sebagai model negara moderat yang berjaya menjaga keharmonian antara kaum dan agama dan berfungsi sebagai platform untuk percambahan fikiran dan rekonsiliasi antara kaum dan agama.
- (ii) Melaksanakan perancangan strategi dan inisiatif yang dicadangkan di bawah Pelan Tindakan Perpaduan Negara (PTPN) yang inklusif merentasi semua kementerian dan agensi kerajaan dengan menetapkan program-program yang spesifik dan konkret untuk menyemarakkan perpaduan, kesepaduan dan penyatupaduan rakyat Malaysia.
- (iii) Memperkasakan kepimpinan 8,205 Jawatankuasa Rukun Tetangga di seluruh negara agar peka dan sensitif terhadap isu-isu atau gerakan-gerakan yang sengaja mengancam untuk memecahbelahkan perpaduan dan keharmonian rakyat.
- (iv) Melaksanakan program dan aktiviti mempromosikan persefahaman dan keharmonian dalam kalangan penganut pelbagai agama seperti Sambutan *World Interfaith Harmony Week*, *International Day for Tolerance*, Dialog Harmoni dan lain-lain melalui Jawatankuasa Mempromosikan Persefahaman dan Keharmonian Antara Penganut Agama (JKMPKA).
- (v) Mencari penyelesaian terhadap isu-isu perkauman dan agama yang boleh menyebabkan perpecahan kaum dan memupuk pendamaian di peringkat akar umbi melalui khidmat 1,130 orang Mediator Komuniti di seluruh negara.

- (vi) Meningkatkan penghayatan dan pengamalan prinsip-prinsip Rukun Negara kepada pelajar-pelajar sekolah di 6,622 Kelab Rukun Negara (KRN) di sekolah rendah dan menengah dan 169 Sekretariat Rukun Negara (SRN) di peringkat institusi pengajian tinggi di seluruh negara.
- (vii) Menggalakkan silang kerjaya dan kefahaman budaya di syarikat-syarikat milik bumiputera dan bukan bumiputera melalui penyertaan mahasiswa bumiputera dan bukan bumiputera melalui Program Latihan Industri Perpaduan (PLIP) yang sehingga kini telah melibatkan seramai 5,728 orang pelajar dalam tempoh 2015 hingga 2019.
- (viii) Menyemai nilai-nilai murni kepada lebih 35,000 orang kanak-kanak di bawah umur 6 tahun melalui 1,781 buah Tabika Perpaduan di seluruh negara agar mereka dididik mengenai kepelbagaian yang wujud dalam masyarakat negara ini sejak kecil lagi agar mereka lebih memahami dan menghayatinya apabila dewasa kelak supaya perpaduan masyarakat dan keharmonian negara terus terpelihara.
- (ix) Mengadakan program Perhimpunan Perpaduan Demi Negara yang melibatkan kepimpinan Rukun Tetangga (RT), Persatuan Penduduk (RA) dan Badan Bukan Kerajaan (NGO) di seluruh negara bagi memantapkan interaksi dan hubungan kerjasama antara RT, RA dan NGO agar dapat bersama-sama melaksanakan program dan aktiviti kejiranan secara bersepadu dalam mengurus dan menangani isu setempat untuk meningkatkan semangat perpaduan dan kesejahteraan komuniti setempat.
- (x) Menyebarluaskan mesej dan slogan perpaduan agar membudayakan perpaduan dan meraikan kepelbagaian melalui penglibatan syarikat-syarikat swasta, GLCs dan badan bukan kerajaan (NGO).

- (xi) Menganjurkan program dan aktiviti perpaduan dan kebudayaan pelbagai kaum secara berterusan yang bertujuan membentuk sebuah bangsa Malaysia yang bersatu padu dengan memberi penekanan untuk meningkatkan kesedaran, penghayatan dan amalan nilai-nilai murni kepada kumpulan sasar seperti kanak-kanak, pelajar, belia, wanita dan akhirnya merangkumi semua lapisan masyarakat.

Jabatan PERPADUAN selaku agensi peneraju dalam memelihara keharmonian dan memperkuatkan perpaduan masyarakat pelbagai kaum di negara ini terus komited melaksanakan pelbagai program yang melibatkan anggota komuniti dari pelbagai peringkat umur di negara ini. Pelaksanaan program-program sedemikian akan membuka ruang yang lebih luas kepada rakyat untuk berinteraksi kerana interaksi adalah asas kepada pembentukan perhubungan manusia yang akhirnya akan melahirkan bibit-bibit perpaduan dan rasa kekitaan.

Justeru, adalah menjadi harapan kerajaan agar melalui usaha-usaha di atas, semangat perpaduan dapat dipupuk merentasi segenap lapisan masyarakat dengan menerapkan sikap saling menghormati, bertoleransi dan menerima serta menghargai kepelbagaian yang wujud di negara ini.

Sekian, terima kasih.

PEMBERITAHUAN PERTANYAAN LISAN DEWAN RAKYAT MESYUARAT KETIGA, PENGGAL KEDUA, PARLIMEN KEEMPAT BELAS

PERTANYAAN : LISAN
DARIPADA : YB TUAN ANYI NGAU [BARAM]
TARIKH : 10 OKTOBER 2019 (KHAMIS)

SOALAN

Minta **PERDANA MENTERI** menyatakan apakah suku kaum ‘Berawan’ dan ‘Saban’ di Sarawak diiktiraf sebagai kaum Bumiputera. Senaraikan kaum-kaum/etnik yang tergolong sebagai kaum Orang Ulu di Sarawak.

JAWAPAN: YB DATUK LIEW VUI KEONG
MENTERI DI JABATAN PERDANA MENTERI

1. Istilah “bumiputera” tidak ditakrifkan dalam Perlembagaan Persekutuan atau mana-mana undang-undang bertulis. Namun, istilah “bumiputera” sering digunakan oleh Kerajaan dalam menguatkuasakan dasar-dasar Kerajaan dan lazimnya istilah “bumiputera” merujuk warganegara Malaysia yang terdiri daripada kategori berikut:

- (a) "orang Melayu" sebagaimana yang ditakrifkan dalam Fasal (2) Perkara 160 Perlembagaan Persekutuan;
 - (b) "anak negeri" Negeri Sabah dan Sarawak sebagaimana yang ditakrifkan dalam Fasal (6) Perkara 161A Perlembagaan Persekutuan; dan
 - (c) "orang asli" sebagaimana yang ditakrifkan dalam Fasal (2) Perkara 160 Perlembagaan Persekutuan iaitu "orang asli"

Semenanjung Tanah Melayu” dan yang ditafsirkan dalam seksyen 3 Akta Orang Asli 1954 [Akta 134].

2. Berdasarkan kepada perenggan (6)(a) Perkara 161A Perlembagaan Persekutuan, “anak negeri” berhubung dengan Sarawak bererti seseorang yang merupakan warganegara dan sama ada yang tergolong dalam salah satu daripada ras yang dinyatakan dalam Fasal (7) sebagai ras asli bagi Negeri itu atau yang berketurunan campuran yang berasal semata-mata daripada ras-ras itu. Menurut Fasal (7) Perkara 161A Perlembagaan Persekutuan, ras-ras yang dikira sebagai ras asli bagi Sarawak bagi maksud takrif “anak negeri” disenaraikan seperti yang berikut:

- (a) Bukitan;
- (b) Bisayah;
- (c) Dusun;
- (d) Dayak Laut;
- (e) Dayak Darat;
- (f) Kadayan;
- (g) Kalabit;
- (h) Kayan;
- (i) Kenyah (termasuk Sabup dan Sipeng);
- (j) Kajang (termasuk Sekapan, Kejaman, Lahanan, Punan, Tanjong dan Kanowit);
- (k) Lugat;
- (l) Lisum;
- (m) Melayu;
- (n) Melano;
- (o) Murut;
- (p) Penan;
- (q) Sian;
- (r) Tagal;
- (s) Tabun; dan
- (t) Ukit.

3. Berdasarkan senarai di atas, ras ‘Berawan’ dan ‘Saban’ tidak disenaraikan sebagai ras asli bagi Sarawak bagi maksud takrif “anak negeri” di bawah Perkara 161A Perlembagaan Persekutuan. Apa-apa cadangan untuk memasukkan ras-ras lain dalam senarai ras-ras dan takrifan “anak negeri” di bawah Perkara 161A Perlembagaan Persekutuan memerlukan keputusan dasar Kerajaan serta pindaan kepada Perlembagaan Persekutuan.
4. Perlembagaan Persekutuan juga tidak memperuntukkan apa-apa takrifan bagi “kaum Orang Ulu” di Sarawak atau menyenaraikan apa-apa kaum atau etnik yang tergolong sebagai kaum Orang Ulu di Sarawak.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : YB DATUK ZAHIDI BIN ZAINUL ABIDIN
[PADANG BESAR]**

TARIKH : 8 OKTOBER 2019 (SELASA)

SOALAN

Minta **PERDANA MENTERI** menyatakan apakah tahap keselamatan laman web agensi Kerajaan dan swasta serta berapa jumlah laman web yang telah digodam pada Ogos lalu.

JAWAPAN

Tuan Yang Di-Pertua,

1. Secara keseluruhannya, tahap keselamatan laman web agensi kerajaan adalah baik. Kerajaan amat mengambil berat mengenai perkara ini terutama bagi agensi-agensi kritikal yang menyediakan perkhidmatan atas talian.
2. Insiden serangan siber pada bulan Ogos 2019 adalah berikutan daripada reaksi sebilangan rakyat Indonesia terhadap kenyataan seorang ahli perniagaan Malaysia berhubung cadangan pengenalan perkhidmatan *e-hailing* menggunakan motosikal di negara ini. Kumpulan-kumpulan penggodam Indonesia telah mengumumkan di media sosial untuk memulakan kempen serangan siber pada 30 Ogos 2019 dan menggesa rakyat Indonesia yang lain untuk turut serta.
3. Kerajaan melalui Agensi Keselamatan Siber Negara (NACSA) telah mengambil langkah-langkah proaktif bagi menghadapi serangan tersebut melalui tindakan berikut:
 - a) Mengeluarkan *advisory* kepada semua agensi kerajaan dan organisasi Infrastruktur Maklumat Kritikal Negara (*Critical National Information Infrastructure (CNII)*);
 - b) Melaksanakan pemantauan dan mengenal pasti laman sesawang milik agensi kerajaan dan organisasi CNII yang mempunyai kelemahan dan berpotensi menjadi sasaran serangan. Pusat Kawalan dan Penyelaras Siber Negara (NC4), NACSA telah menghubungi pentadbir laman sesawang tersebut dan mengarahkan tindakan pengukuhan dan pencegahan dilaksanakan;
 - c) Bekerjasama dengan pusat operasi siber (COC) lain iaitu Suruhanjaya Komunikasi dan Multimedia Malaysia (SKMM), Pusat Operasi Pertahanan Siber (CDOC) dan GITN Sdn. Bhd untuk memantau sebarang aktiviti serangan

ke atas rangkaian dan melaksanakan pemantauan rapi secara berterusan; dan

- d) Berhubung dengan organisasi CNII secara berterusan melalui sistem NC4 bagi memantau sebarang serangan siber.
4. Sepanjang kempen tersebut, sejumlah 127 laman web telah mengalami serangan *web defacement*. Daripada jumlah tersebut, sebanyak 24 laman web dikendalikan oleh 22 agensi kerajaan dan 103 laman web melibatkan 93 agensi swasta. Laman web kerajaan terbabit tidak melibatkan perkhidmatan kritikal dan tidak mengganggu sebarang perkhidmatan atas talian kerajaan. Manakala kebanyakan laman web swasta pula melibatkan syarikat-syarikat kecil menggunakan perkhidmatan syarikat *web hosting* yang tidak menitikberatkan aspek keselamatan.
5. NACSA telah memaklumkan kepada semua pentadbir laman web kerajaan yang terlibat agar tindakan pembetulan dan pengukuhan dilaksanakan mengikut arahan dan garis panduan yang telah disediakan bagi mengelakkan insiden serupa berulang.
6. Di samping itu, kerajaan akan melaksanakan usaha agresif untuk memantau dan mengambil tindakan proaktif bagi mengukuhkan infrastruktur ICT kerajaan berdasarkan pelan tindakan Strategi Keselamatan Siber Negara yang akan dilancarkan kelak.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' ABDULLAH SANI BIN ABDUL HAMID
[KAPAR]**

TARIKH : 10 OKTOBER 2019 (KHAMIS)

SOALAN

DATO' ABDULLAH SANI BIN ABDUL HAMID [KAPAR] minta **PERDANA MENTERI** menyatakan apakah ada jaminan skim pencen bagi perkhidmatan awam akan terus kekal.

**JAWAPAN: YB TUAN MOHAMED HANIPA BIN MAIDIN
TIMBALAN MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, skim pencen bagi anggota perkhidmatan awam yang telah sah dalam perkhidmatan dan mendapat taraf berpencen akan terus kekal menerima faedah dan kemudahan Skim Pencen di bawah Akta Pencen 1980 (Akta 227) dan Akta Pencen Pihak-Pihak Berkuasa Berkanun dan Tempatan 1980 (Akta 239). Perkara 147, Perlembagaan Persekutuan telah memperuntukkan perlindungan hak pencen ke atas anggota perkhidmatan awam semasa.